



---

---

# ବାଗଦ୍ଧା





# জাগরণ

আশীশচন্দ্ৰ সুৱ—প্ৰকাশ

চন্দননগৰ  
২৮শে জৈষ্ঠ ১৩৪৫ সাল।

মুদ্রিত কোলকাতা।

প্রকাশক

বৈশাল্যের নাথ চুরু, পুরুষ, এ ; বি, এস  
চন্দনগঠন ।

[ সর্ব অক্ষ সংরক্ষিত ]

প্রিষ্ঠার :—

শ্রীবৃক্ষদেব রাজা ।

বাণী প্রিষ্ঠীঁ ভোক্তা,  
চন্দনগঠন ।



ଶ୍ରୀଶଚନ୍ଦ୍ର ପୁର ।



ଭୁବନେଶ୍ୱର

ପ୍ରଫୁଲ୍ଲଶ୍ଵରୀ—

ତୁ ମି ଚଲେ ଗେହ ୧୯୨୯ଏର ୧ଜାନ୍ମ ବାତେଥର, ଏ କମାଳ  
ତାସିରେ—କୋଥାଯି ଗେହ ଆନି ନା । କାନବାର ଟେଣ୍ଡି ଆମାର  
କରେ କିଷ୍ଟ ନିଷଳ । ତୋମାର ସ୍ତତିଇ ଆମାର ଶବ୍ଦ । “ଅଛି  
ବଈଥାନି ତାହି ତୋମାର ହାତେ ଦିଲାମ । ହିତି—

ଚନ୍ଦନନଗର,  
୨୮ଶେ ଜ୍ୟୋତ୍ସ୍ନା ୧୩୪୯ ।

ପ୍ରଫୁଲ୍ଲଶ୍ଵରୀ

## পাত্র পাত্রী

পৃষ্ঠকের অঙ্গেই তাহাদের পরিচয়—  
অন্য পরিচয় বাহ্য ।

গ্রন্থকান্ত ।

## জাগত্তন

প্রথম অঙ্ক।

প্রথম দৃশ্য।

(বিবেকানন্দ রোডের উপর বাটী, ফুটপাথের পাশে জ্যোৎস্না  
ঘর চারিদিকে Furniture রাস্তার দিকে খড়খড়ি সব খোলা। ছায়া  
ও জ্যোৎস্না কথায় লিপ্ত ছিল।)

ছায়া। আমি ধারণাই করতে পারিনি যে তুমি I. Sc. নেওয়ে,  
জ্যোৎস্না। কারই বা ধারণা ছিল—কাপেশবাবু জোর ক'রে  
I. Sc. নেওয়ালেন।

ছায়া। তোমার স্বাধীন স্বত্ত্ব নেই, জোর করে কি ?  
আমাদের নারীজাতির এই যে স্বাধীনতার সংগ্রাম, এতে  
অপর sexএর জোর করার কথা আসেন—shame !  
আমি I. Sc-র নিল্ল। করছি না, আমাদের এখন  
Science নেওয়াই দরকার। Artএর ক্ষেত্র ত' আমাদের  
এক চেষ্টে আছেই, এখন Scienceটা আমাদের অধিকার  
করা চাই। তবে কিনা কোন পুরুষের হস্তে কাত  
করতে পারিনা।

জ্যোৎস্না। এই দেখ, তুমিও ত' Science-এর স্বৃথ্যাত করলে।

কাপেণবাবু ত' এই পরামর্শই দিয়েছেন। এতে দোষ কোনখানে?

ছায়া। দোষ এই—তুমি যদি স্বাধীন ভাবে I. Sc. বেছে নিতে আমার কিছু বলবার ছিল না। কিন্তু একটা পুরুষের কথায়, I. Sc. নিয়েছে, এটা কত হুর্বলতার পরিচয়। Independent thinking-এর মূলে যে কুঠারাঘাত করেছে শুধু তা নয়, এটা প্রাধীনতার পরাকার্ষ।

Fie.

জ্যোৎস্না। তুমি যে বড়ডই শুনিয়ে দিলে। সত্ত্বা! স্বৈকার করছি দোষ হয়েছে।

ছায়া। That's all right. দোষ অঙ্কুরেই নষ্ট করতে হবে। এ আমাদের স্বাধীনতার সংগ্রাম। একদিকে পুরুষ, অপর দিকে আমরা। আমরা এতকাল দলিতা, পীড়িতা, স্ত্রীজাতি। পুরুষ যদি বলে সূর্য পূর্বদিকে উঠে, আমরা বলব সূর্য পশ্চিমে উঠে। এতে সত্যের অপলাপ হয় হোক—Nothing is unfair in love and war.

জ্যোৎস্না। অতটো ওদের তফাতে রেখে জগৎটা চলবে?

ছায়া। চালালেই চলবে। বহু শতাব্দীর দাসত্বে নারীজাতি আজ সব হারিয়ে বসে আছে। লুপ্ত অধিকার উদ্ধার করতে হবে, যেমন করে হোক।

জ্যোৎস্না। তবে কৌ Art-এর ক্ষেত্রটা পুরুষদের ছেড়ে দিয়ে  
আমরা শুধু Science-এর ক্ষেত্রটা অধিকার ক'রব।  
ছায়া। না! না! তা কেন? Art ও Science, দুটো  
ক্ষেত্র থেকেই ওদের তাড়াতে হবে। দেখ পুরুষ-কবি  
আমাদের সঙ্গে কত না মিথ্যা রঁটনা করেছে। তুলনা  
দিতে হলে লেখে—আমরা লতা ওরা উচ্চশির বৃক্ষ।  
আমাদের শরীরের প্রতোক স্থানটি, প্রত্যেক অঙ্গটি  
নিয়ে গচ্ছে, পচ্ছে, চিত্রে, কবিতায় কতরকম বিশ্রামাব  
ও ভাষা প্রয়োগ করেছে। মনে কর—আমাদের বৃক্ষ,  
নিতম্ব, কটিদেশ, এসব নিয়ে চর্চ। করবার পুরুষের কৌ  
অধিকার আছে?

জ্যোৎস্না। তারা যদি এমনি করে কাবোর পরিপূষ্টি করে,  
Art-এর দিক দিয়েও ত' সেটা ভাবতে হবে।

ছায়া। Damn your কাবা। অকাশ বর্ণনা কর, সমুদ্র  
বর্ণনা কর, পর্বত, নদ, নদী, উপত্যকা, জড় জন্তু,  
তাদের কৌ রাইট আছে যে আমাদের permission না.  
নিয়ে, কাব্যে বা চিত্রে আমাদের ছবি আঁকে? আমাদের  
এই যে দেহ এর copy right আছে, এতে all rights  
reserved. কালীদাস থেকে আরম্ভ ক'রে কি জয়দেব,  
কি বঙ্গিম, কি আজকালকার এসব যা তা পুরুষ লেখক  
যেখানে যেখানে নারীজাতির কোন অঙ্গের বর্ণনা করেছে  
সে সব গুলো expurgate করে দিতে হবে।

জ্যোৎস্না। তাহলে আমাদের মধ্যে এবার সব কাব্য লিখতে  
হবে, উপন্থাস লিখতে হবে;

ছায়া। শুধু লেখা নয়, এতকাল আমাদের যেমন একটা  
effiminate ভাবে বর্ণনা করেছে, তেমনি এইটে বেশ  
স্মরণ করে ফুটিয়ে পুরুষকে “তঁৰী শ্যামা চকিত নয়না”  
গোচ বর্ণনা করতে হবে। কিছুদিন এই রকম বর্ণনা  
করলেই পুরুষ আপনা আপনি নমনীয়, কমনীয় হয়ে  
আসবে—হ্যাঁ একটা কথা! বলতে মাথা হেঁট হয়,  
এই যে দুটা কথা বীড়,—লজ্জা, যেখানে সেখানে  
“নারীগাং ভূবণং লজ্জা” এসব কুসংস্কার আগে তাড়াতে  
হবে। দেখছো ভাষা একটা জাতকে কর্টো নষ্ট করে।  
পুরুষ এই ভাষা স্থষ্টি করে, আমাদের আজ এই দুর্দিশা!  
চাণক্য শ্লোকে “পথে নারী বিবর্জিতা”। ওঃ! ইচ্ছে  
করছে পরশুরামের মত কুঠার নিয়ে পৃথিবী নিঃপুরুষ  
করি।

( মাণিকের জানালার বাহিরে দণ্ডায়মান )

মাণিক। তাটোরে, নাটোরে, নাটোরে না—কি? পুরুষ সব  
খুন করবে? কর বাবা আমি পুরুষ হাজির, কুড়ুল  
কেন? একথানা খুর হলেই হবে। অন্ততঃ চোখের  
আড়নয়ন, তাতেই খুন হয়ে যাবো।

( উভয়ে উঠিয়া )

ছায়া। বেয়ারা ! দরোয়ান ! এ মাতোয়ারাকো নিকাল  
দেও, গলাধাকি লাগাও, বেয়ারা !—  
মাণিক। বাবা সরকারী রাস্তায় দাঢ়িয়ে আছি, কার সাধ্য  
তাড়ায়।

ছায়া। দরোয়ান—দরোয়ান—  
মাণিক। বিবিজানেরা, আমাকেই দরোয়ান রাখনা—মাইনে  
চাইনা পেটভাতায়—  
জ্যোৎস্না। দিদি, ও বেহেট মাতাল, জান্লা বন্ধ করে দাও।  
মাণিক। ছিঃ ছিঃ জান্লা দেবে কি ? একটা মাতালের  
ভয়ে—জান্লা দিলে কি করে স্বাধীনতার সংগ্রাম লড়বে।  
রাস্তায় বেরিয়ে পড় দেখি fight লড়ি। তোমরা ছ'জনে  
একদিকে, আমি একলা আর একদিকে। দেখি,  
এস, লড়'।

ছায়া। সত্যি, জান্লা দেওয়ার চেয়ে আর অপমান নেই।  
জান্লা বন্ধ করলেই ত' হার স্বীকার করে নেওয়া  
হলো। তারচেয়ে মৃত্যু ভাল। জোৎস্না ! ঝঁঝাটা মেরে  
তাড়া ত' ?

মাণিক। এত বিধুবদনী, সেই সাবেক সংস্কার যাবে কোথা ?  
সেই ঝঁঝাটার কথাই মনে এলো। কই বন্দুক, তলোয়ার,  
ধনুক নিয়ে আয়—অস্ততঃ চিল মার, লাঠি লাগাও,  
চাবুক লাগাও, Science পড়ছো Nitric acid ছিটিয়ে  
দাও,—এসব ত' মুখে এলোনা ?

জ্যোৎস্না। আমার কাছে এক বোতল Sulphuric acid আছে। Laboratory থেকে এনেছিলাম্, আনবো? দাওনা ওর গায়ে ঢেলে।

ছায়া। তাই আনো।

(জ্যোৎস্না বোতল আনিতে গেল)

ওঁ! কি আপদ, ছোটলোক মাতাল—জানো পাহারাওলা ডেকে তোমায় ধরিয়ে দেবো?

মাণিক। থাক্না বিবিজান্ মুরোদ ত' দেখা গেল। পাহারাওলার সঙ্গে আমার মাস্কাবারী বাঁধা বন্দোবস্ত আছে। মাল্টা আস্টা খেয়ে টল্টে টল্টে বাড়ী ফিরি, ও পাহারাওলা ডেকে কিছু হবেনা।

ছায়া। কি বিপদ! ওঁ দেখছি—আগে মদের দোকানগুলো সব তুলে দিতে হবে।

মাণিক। বিবিজান্? তাহলে কোম্পানীর রাজত্ব চলবে কেমন করে? তবে তোমাদের যার যেমন বয়স, তার উপর যদি তেমন করে টেক্স বসে তাহলে আবগারীর আয়ের বদলী কোম্পানী ছুক্রির আয় পাবে।

(হটাং জানলার পাশে মাণিক লুকাইল)

ছায়া। (এদিক ওদিক দেখিয়া) যাক পাপ বোধহয় গেছে। কি ভয়ঙ্কর মাতালের পান্নায় পড়েছিলুম্।

( জ্যোৎস্না বোতল লইয়া আসিল )

দাওতো বোতল।

জ্যোৎস্না। তাই Sulphuric acid-এর বোতল খুঁজে পেলুম  
না, তাড়াতাড়িতে কাকার আলমারী থেকে এই বোতলটা  
এনেছি, দেখ দিকি ?

ছায়া। ( দেখিয়া ) এং কি ? এয়ে Black & white  
whisky-র বোতল, থাক মাতালটা চলে গেছে, বাঁচা  
গেছে।

( মাণিক সব শ্রবণ করিতেছিল, সে whisky-র বোতল শুনিয়া  
আহ্লাদে মগ্ন হইয়া পুনরায় জানালার সামনে দাঢ়াইল )

মাণিক। চলে যাইনি বিবিজ্ঞান, এই সশরীরে বর্তমান।

ছায়া। ( শ্রদ্ধে ) সরে যা বদমাস্ নইলে এখুনি acid  
ছুঁড়ে পুড়িয়ে দেবো।

মাণিক। ওঁ মেঘের আড়ালে লুকিয়ে বজ্র ছেড়না বাবা—  
বোতলটা ছুঁড়ে মার আমি টুপ করে লুকে নি। ধৰ্ম  
যুক্ত করত রাজী আছি, হয়ে রাস্তায় বেরিয়ে এস না হয়  
অনুমতি করত তো ঘরে প্রবেশ করি। তারপর বাহু  
যুক্ত গদা যুক্ত, হাঃ হাঃ হাঃ হাঃ।

( হাসির চোটে Constable আসিয়া উপস্থিত )

Constable। আরে কেয়া হাল্লা বাঁচায়ো ?

মাণিক। এই যে জমাদার সাহেব? দেখনা, থাটী খেয়ে  
একটা অন্ত থাটীর বোতল কিনে সুড় সুড় করে  
আসছি, হঠাৎ পেচ্ছাপ্ পেয়ে গেল বলে জানালার  
উপর বোতলটা রেখে পেচ্ছাপ বসেছি বাবা আর  
দিদিঠাকুরণরা আমার বোতলটা সেই ফাঁকে তুলে নিয়ে  
রঙ রহস্য কচ্ছেন—আমায় দিচ্ছেন না।

Constable। এত রায় সাহেবকা বাড়ী। বিবি সাব, ও  
মাতালের বোতল ওকে দিয়ে ঢান্ন, ওকে চলিয়া যাইতে  
দিন আপনারা ভদ্রলোক, মাতালের সাথে কেজিয়া  
করবেন না।

[ মাণিক নমস্কার করিয়া জানালার ভিতর হাত বাড়াইয়া বোতলটা  
ছায়ার হাত হইতে কাড়িয়া লইয়া চলিয়া গেল। Constable অন্ত  
দিকে চলিয়া গেল। ]

ছায়া। ওঃ! বেকুব বানিয়ে দিয়ে whiskyর বোতলটা  
নিয়ে চলে গেল। Oh ! Shame, pordition. Hell.

( দৃশ্য পরিবর্তন )

## ବିତୀର୍ଣ୍ଣ ଦୃଶ୍ୟ ।

ରାସ୍ତା ।

[ ମାଣିକ ବୋତଳ ବଗଲେ ଗାହିତେ ଗାହିତେ ଚଲିଯାଛେ ]

ଗୀତ ।

ପଥେର ଧାରେ ଜାନ୍ମା ଖୋଲା ଦିଦିମଣିରା ।

ପାଡ଼ିଛିଲେନ୍ ଗାଲ ଶତମୁଖେ, Go to hell ପୁରୁଷେରା ॥

ମାତାଲଙ୍ଘ ନାନାଭଙ୍ଗି, ଦେଖେନନି ତ ଚାରୁଅଙ୍ଗି ।

ଶେଷେ ହଲେନ ରଣେ ଭଙ୍ଗି, ହୟେ ହତବନ୍ତ ଦିଶେହାରା ।

ଏତ ସୋଜା ନୟକୋ ପୁରୁଷଦମନ, ଖୋଦାର ଦେଓଯା ଯାର ଯେ ଗଡ଼ନ ।

ଏ ମିଛେ ଶୁଦ୍ଧ ନାଚନ କୌଦନ୍, ବାମନ ହୟେ ଚାନ୍ଦା ଧରା ।

ଶୁଖେ ଥାକୁତେ ଭୂତେ ଧରା ।

---

## তৃতীয় দৃশ্য।

[ রূপেন্দ্রের কক্ষ—রূপেন্দ্র Table-এর সন্মুখে চেষ্টারে বসিয়া। Table-এর উপর telephone receiver; ছায়া একখানি sofa-য় বসিয়া। ]

রূপেন্দ্র। আপনি যে জ্যোৎস্নাকে সঙ্গে না নিয়ে একলা আমার এখানে দর্শন দিয়ে আমাকে কৃতার্থ করবার ভরসা করবেন এ আমি স্বপ্নেও ভাবিন।

ছায়া। কেন আপনিত একটী top 10 100 gentleman ?  
আপনাকে আমার শুরু কি ?

রূপেন্দ্র। ভরসাই বা কি বলুন ? আপনি English এ M. A. জ্যোৎস্না বলে আপনি ধার তার সঙ্গে কথাই ক'ন না : আমিত University কোন্ মুখে, তার খবরই রাখিন।

ছায়া। কেন ? University-র Degree টাই কি এত বড় নাকি ? আপনার general culture আছে।

রূপেন্দ্র। যাক বাঁচলেম্। আপনাকে দেখে আমি যেন কেমন অপ্রতিভ হয়ে গেছলুম্। আপনার কথায় কতকটা ভরসা হ'ল।

( Telephone ring করিল, রূপেন্দ্র receiver লইয়া )

কল্পন্দেন। Hallo ; Hallo ; yes. তা চার হাজার  
cheque একখানা দিতে পারি—হ্যাঁ, আসবেন দোব।  
ছায়া। এই দেখুন না - Post Tagore ওঁর কি degree  
আছে, কিন্তু উনি বিশ্ববিদ্যালয়ের জন্ম দিতে পারেন।

কল্পন্দেন। হ্যাঁ, বিশ্ববিদ্যালয় কেন? উনিত বিশ্বভারতীর  
জন্ম দিয়েছেন।

ছায়া। সেটা কোন অংশে বিশ্ববিদ্যালয়ের চেয়ে খাটো?  
যাহোক এত ঐশ্বর্যের মধ্যে বসে আপনার একা  
ভাল লাগে? A. “এর চুম্বন Science আলিঙ্গন  
আপনার ভাল লাগেনা? A., Science আপনার  
মত লোকের কাছেই তো Develop করবে।

কল্পন্দেন। দেখুন—কথাতে বলে, মূলে মাগ নেই তার পুতুর  
শোক। পেটে বিচ্ছিন্ন নেই—আপনার মত Art  
Scienceকে চুম্বন, আলিঙ্গন করবে। কি করে?

ছায়া। আপনি বড় গ্রাম্য ভাষা ব্যবহার করবেন শুধু গ্রাম্য কেন  
গোয় অশ্লীল। এ যে মূল কি নেই, তার পুতুর শোক বল্লেন?

কল্পন্দেন। (উচ্চ হাসিয়া) ‘মাগ’ বলেছি বলে?

ছায়া। স্ত্রী বল্লেইতো পার্ণেন ও কথাটায় কেমন যেন  
আমাদের স্ত্রীজাতির গৌরবটা খর্ব হয়ে যায় না?

কল্পন্দেন। যায় না কি? আপনি কিছু মনে কর্বেন না।  
যখন আপনারা পুরীতে Sea Beach-এ বা Darjeeling-এ

Mall এ বেড়াবেন তখন বলবো—দেখ ! দেখ ! কেমন  
বিচূরী, শুল্পী নারী বেড়াচ্ছে । কিন্তু পুরীতে জগন্মাথের  
রথের ভিডে বলবো কি মাগীর ভিড় ! আপনাদের  
সঙ্গে কি ওম্য স্ত্রীলোকদের তুলনা হয় ?

ছায়া । তাতো হয়ই না । তবে তাদেরও ক্ষমে আমাদের  
পথে এনে আমাদের মতো গড়ে তুলতে হবে ।  
নিরক্ষরতার তিমির ঘুচিয়ে তাদের জ্ঞানের দিব্যালোক  
দিতে হবে ।

ক্লপেন্ট । ভালোই ত' । তাদের অঙ্ককার ঘোচান् না—  
তবে কি জানেন্ অঙ্ককাৰ না থাকলে আলোৰ কদৰ  
হয় না ।

ছায়া । ( মুখে ঝুমাল দিয়া হিঃ হিঃ ববে মৃছ হাসিলেন )  
ক্লপেন্ট । আপনার—ত' কথাই নেই । আপনি M. A.  
Dazzling brilliant light

( Telephone Ring কৱিল )

Hallo, yes, হ্যাঁ, হ্যাঁ, রাত্রি ৮ টার সময় কার্জেন  
পাকে দেখা হবে । Hallo, আচ্ছা ।

ছায়া । আপনাকে এৱকম ৩৪ মিনিট অন্তর Telephone  
attend কৱতে হয় ? আপনার ত' ভারী কষ্ট ।

ক্লপেন্ট । তাৰ জন্মে ভাবেন না । এ অভ্যাস হয়ে গেছে ।  
এক বিষয়কষ্টের call আছে । আৱ বে—থা কৱিলি বলে

অনেক জায়গায় পাট্টী, engagementটা থাকে। এই করেই যদিন কাটানো যায়।  
ছায়া। Tagore'র সেই লাইন মনে পড়লো।

“মনে ভাবিলাম মোবে ভগবান রাখিবেন। মোহগত্তে !  
তাই লিখি’দিল বিশ্ব-নিখিল হ’বিঘার পরিবত্তে”!

কপেন্দ্র। আপনাব এই বিশ্ব-নিখিল, আমারও এই  
বিশ্ব-নিখিল, এ নিখিল-বিশ্বে বন্ধু জিনিষটাই এক তৃপ্তি।  
ছায়া। নিশ্চয় ক’জনেব ভাগ্য তা হয়।

কপেন্দ্র। স্তু পুকুরে বন্ধুত্বে স্বযোগ হয় না বলেই ত’  
বাল্যে বিবাহটা তাড়া দিয়ে তুলে দেওয়া গেছে।

ছায়া। আমাব একটা মিনতি, আপনি আমাদের এই  
নাবীজাতির স্বাধীনতা সংগ্রামে যোগ দিন। আপনার  
জ্ঞান আপনাব অর্থ আমাদের এ Movement  
মাতিয়ে তুলবে।

কপেন্দ্র। আমাদেব পর্দাব আডালে লুকিয়ে থাকাই ভালো।

Degree কিম্বা নেই—

ছায়া। আবার আপনার সেই এক কথা। কী করে  
Degreeতে ? যে দিন জ্যোৎস্না আপনাকে আমার  
কাছে Introduce করে দেবে বল্লে—

( Telephone Ring করিল )

ক্লপেন্ট। Hallo, yes, (হাসিয়া) ওঁ তুমি—যাবো  
বইকি যাচ্ছি ১৫ মিনিটের মধ্যে—পৌছাবো।

ছায়া। আপনাকে এক্ষুনি বেরতে হবে? কাকে অত হেঁসে  
বলেন যে এখুনি যাচ্ছি? বিশেষ কোন Intimate বক্স  
বুঝি? পুরুষ না নারী?

ক্লপেন্ট। শেষে যা বলেন—তাই। তবে কিছু খারাপ  
ভাবেন না। আমাকে মাপ করবেন। আজ বাধ্য  
হয়ে উঠতে হলো। (উঠিয়া) আপনার সঙ্গে কথা  
করে বড়ই আনন্দ হচ্ছিলো। (ডাকিলেন) দরোয়ান—  
দরোয়ান—

[ দরোয়ানের প্রবেশ। ]

দরোয়ান। হজুর!

ক্লপেন্ট। Driver কো গাড়ী লে আনে বোলো।

[ দরোয়ানের প্রস্থান ]

আপনি একটু বসুন আমি কাপড়টা ছেড়ে আসি।  
যদি দয়া করে আমার Car-এ যান আমি আপনাকে  
নাবিয়ে দিয়ে যাবো।

ছায়া। থাক—আপনার আবার পৌছুতে দেরী হবে।

ক্লপেন্ট। কিছুনা আপনি বসুন আমি আসছি।

[ ক্লপেনের ভিতরে জ্বল প্রস্থান ]

ছাইয়া। ( উঠিয়া স্বগত ) এত টাকা, এত ঐশ্বর্য, এমন  
সুন্দর চেহারা, অবিবাহিত যুবা, অথচ খুব চাল, ধরি  
মাছ, না ছুঁই পানি। যাই হোক কার বাড়ী যাচ্ছে  
একবার থবর নিতে হবে। আমাকে নামিয়ে দিলেই  
একখানা Taxi নিয়ে ওর পিছু নিতে হবে। কথা  
আর ভালো লাগলো না। Telephone ক্ষেলেই  
কাপড় পরতে দোড়লো। দেখতেই হবে।

[ ঝুপেনের প্রবেশ ]

ঝুপেন্দ্র। আসুন আমি তৈবি। আজ তাড়াতাড়িতে আপনাকে  
কিছু Offer কবতে পালনে না। মাপ কর্বেন।

[ ফুলদান হইতে একটি গোলাপের কুড়ি লইয়া ]

If you don't mind এই ফুলটি নিন।

[ ছায়াব ফুল গ্রহণ ]

( নেপথ্যে দরোয়ান ) হজুব গাড়ী খাড়া হায়।

ঝুপেন্দ্র। ( ঝুপেন ছায়ার প্রতি ) আসুন—আসুন—

## চতুর্থ দৃশ্য ।

Mr. Roy'র বাটী  
কক্ষ ।

[ আয় সঞ্চার সময়—আলো জালা হইয়াছে ।  
Mr. Roy ও জ্যোৎস্না— ]

Mr. Roy. আমি হঠাৎ বেরিয়ে যাচ্ছি—বিশেষ কাজ ।  
জ্যোৎস্না আজ এখনি সেই পাত্রটী তোমাকে দেখতে আসবে  
যেটী Philosophyতে 1st. Class 1st. হয়েছে । ভাল  
করে কথাবার্তা ক'য়ো ; যদি সব পছন্দ হয়, ওই  
থানেই তোমার বিবাহ হবে ।

জ্যোৎস্না । ( চুপ করিয়া রহিল ) Mr. Roy চলিয়া গেলেন ।  
( জ্যোৎস্না Table Harmoniumএ বসিয়া গান গাহিতে  
লাগিল )

### গীত

মনের কথাটি মন শুধু জানে বুকেরি আড়ালে লুকায়ে  
যাই হাতে চাবি, সেই যদি খোলে, কবাট যাইবে খুলিয়ে  
নহিলে পোড়া মরমের ব্যথা, মরমের সাধ মরমের কথা  
—কিবে গোপনে জনমের মত রক্ষ আবেগে কাঁপিয়ে ।  
( গান থামিলে অজিংকুমারের ঝৈখে )

জ্যোৎস্না। আপনি পাত্র? বস্তু—

অজিং। আজ্ঞে হ্যাঁ, (বসিলেন)

জ্যোৎস্না। আপনি এম্, এ, কিসে পাস্ করেছেন?

অজিং। Philosophy

জ্যোৎস্না। 1st. Class?

অজিং। আজ্ঞে হ্যাঁ, Positionও 1st.

জ্যোৎস্না। তা আপনি বিবাহ করে কি করবেন মনে করেছেন?

অজিং। চাকরী করবো, একটা Private Collegeতে Professorই পেয়েছি—

জ্যোৎস্না। কত মাহিনা পাবেন?

অজিং। উপস্থিত ১৫০ টাকা—

জ্যোৎস্না। আপনার কলকাতাতে ত বাড়ী নেই, তা একটা যাহোক ভদ্রভাবে থাক্কতে গেলে ৬০ টাকার কম ভাড়ায় একখানা বাড়ী হবেনা—আর আমাৰ নিজেৰ কাপড় চোপড় Toilet যোগাতে ধৰণ মাসে ৪০ টাকা অনুযান তাহলে—হোল— $60 + 40 = 100$ । থাকে ৫০ টাকা তাৰপৰ আপনার পোষাক আছে তাৰপৰ যা থাক্কবে তাতে আপনিই বা কি খাবেন—আমিই বা কি খাবো।

[অজিং মাথা হেঁট কৱিয়া নির্বাক হইয়া রহিল]

জ্যোৎস্না। ছেলেপুলে হওয়াৰ কথা ধৰছিন। সে না হয় কিছুকাল বজ্জ রাখলেই চল্বে—কিন্তু আপনার ১৫০ টাকায় চল্বে কি করে, আপনিই বজুল্ লা।

অজিং। (নিঙ্কড়ির) ·

জ্যোৎস্না। তার চেয়ে দেখুন, ও বিয়ে করার Idea এখন  
ছেড়ে দিন। যখন মাসে ৫০০ টাকা রোজগার  
করবেন আর অন্ততঃ ১০,০০০ টাকা হাতে জমাতে  
পারবেন, তখন ও Idea মাথায় আনবেন। বিপদ আপনদের  
জন্য কিছু পুঁজি হাতে থাকা দরকার—তবে আসুন—  
নমস্কার।

[অজিং উঠিয়া চোরের মত, নমস্কার করিয়া চলিয়া গেলেন]

জ্যোৎস্না। (রূপেণকে Phone করিল)

[অজিং বাহির হইয়াই দেখে “মাণিক”, সে তখন মাতাল নয়]

মাণিক। সাক্ষ্য প্রণাম—

অজিং। নমস্কার, আমিতো আপনাকে চিন্তে পারছিনা—  
মাণিক। ক্রমে চিন্তে পারবেন—দিদিমণিরা আপনার কে হন?

অজিং। ওরা আপনার কে?

মাণিক। আমার ওরা শক্তও বলা যায়, আবার বন্ধুও  
বলা যায়। কাল দুইজনেই মারতে এসেছিলেন—  
শেষে এক বোতল—whisky বক্সিস্ বলুন আর  
প্রীতি-উপহারই বলুন এই অধমকে দিয়েছেন। আজ সকা঳  
হলেই সেটুকু পান করবার ইচ্ছা আছে। তাই এখন  
থেকেই সেই মনের ফুল্লি, তাই মহাশয়ের সঙ্গে ঘেচে  
আলাপ কঢ়ি—

অজিৎ। ছিঃ ছিঃ—তুমি মদ থাও, আর এই ভজ মহিলারা  
তোমাকে মদ দিয়েছে—মিথ্যাবাদী—  
মাণিক। এক বর্ষও মিথ্যা নয়। মদ যে খাই সে বিষয়ে  
অচূমাত সন্তোষ নেই—আর ওঁদের বাড়ীর ১ বোতল  
whisky যে দিদিঠাকুরণের হাত দিয়ে আমার হাতে  
এসেছে, এতে ক্ষব সত্তা।

অজিৎ। আচ্ছা 'তুমিত' এদের চেনো দেখছি এই যে  
Mr. Royএর মেয়েটী, I. Sc. পড়ে, উটি বড় মুখরা নয়?  
মাণিক। হঁ। বুঝেছি—ছোটদিদিমণি—উনি ভাল, ওঁর তবু  
দেবতা বামুনে, আমাদের যেমন এখনও একটু ভজি  
আছে তেমনি ওঁর পুরুষের উপর একটু যাহোক নেক-নজর  
আছে তবে ঐযে বড়দিদিমণিটি—বাপ্পুর !! বলেন কিনা—  
পরঙ্গুরামের মত কুঠার নিয়ে পৃথিবীটা নিঃ'পুরুষ  
করবে—তখন হাতে কুছুল ছিল না কি ভাগ্য—ভানাহলে  
কাল রাত্রি আমাকে দুখও করে ফেলতো। আমি  
কাল ঐ জানালার নীচে দাঢ়িয়ে হট দিদিমণির সব  
কথা বার্তা শুনেছি—

অজিৎ। তোমার বড়দিদিমণিটি কে ?

মাণিক। সেটি বোধ করি এ বাড়ীর নয়, তবে আসা  
যাওয়া আছে—আর একটী সুন্দর ফুটফুটে ছোকরার  
প্রায় আসা যাওয়া আছে দেখি, মটর গাড়ী করে আসে  
গাড়ীর নম্বরও মুখ্য হ'য়ে গেছে। আচ্ছা এক্ষু,

আপনাকেত' অনেক পরিচয় দিলুম—এবার একটু আপনার  
পরিচয় শুনি—

অজিং। আমি একটু দরকারে এখানে এসেছিলুম—  
মাণিক। কি প্রেমিক? না স্বামীর উমেদার—তা গেবস্ত  
বাঙালীর ছেলে ও চৌকাট মাড়িয়োনা ধন—সাত পুরুষ  
আইবুড়ো থাক সেও তি আচ্ছা তবু ওখানে কোন  
মতলব করো না—কামাখ্যার মেয়েমানুষ হীজড়ে শিয়ালের  
রক্তে, তুক গুণ ক'রে ভেড়া বানিয়ে রাখে শুনেছ তো,  
এদের হীজড়ে শিয়ালের রক্ত নেই বটে—কিন্তু নিজেরা  
হীজড়ে, আর হীজড়ে ভাষায় ভেড়া বানাবে—

অজিং। হীজড়ে কি? আর হীজড়ে ভাষাটাই বা কি?  
মাণিক। এদের এখন পুরুষ বল্লেও চলে, মেয়ে বল্লেও  
চলে। জন্ম নিয়েছেন স্ত্রীলোকের আকারে কিন্তু ভাষাটা  
একদম পুরুষের মত। আর হীজড়ে ভাষা কি জান?  
ঠঁরাজী ও বাঙালা মিশিয়ে এমন একটী ঠঁএব ভাষায় কথা  
কয় যে তুমি শুনে গলে যাবে মরে যাবে, খেপে যাবে—

[ একখানি motor আসিল, কল্পেন্দ্র নামিয়া বাটীর ভিতর চুকিয়া গেল ]  
মাণিক। ঐ ছোকরাকে দেখে রাখো, ঐটির কথাটি বলছিলাম।  
কেমন দেখলে ছিপছিপে, শুপুরুষ—ও জগৎসিংহ, বাপধন,  
ওখানে তুমি ওসমান, কিছুই কর্তে পারবে না।

[ অজিং চিঞ্চা করিতে লাগিল, আর একখানি motor  
আসিল, ছায়া নামিল এবং রাস্তার দাঢ়াইল ]

ছায়া। (মাণিকের প্রতি) এ বাড়ীতে একটু আগে একটী

ভদ্রলোক ঢুকেছেন? মটরে এসেছেন, পাতলা চেহারা ফর্সা—  
মাণিক। ঢুকেছেন বৈকি—এইমাত্র, বড়দিদিমণি, প্রাতঃপ্রণাম।  
ছায়া। কে তুমি? ওরকম অসভ্য সম্ভাষণ কর?

মাণিক। এরই মধ্যে ভুলে গেলেন! কাল রাত্রে গায়ে acid  
চেলে দিতে গেছেন, শেষে দয়া করে এক বোতল  
whisky প্রীতি উপহার দিলেন—

ছায়া। You rogue, বদমাস, মাতাল, (অজিতের প্রতি)  
আপনি একজন young educated man আমি young  
educated lady, এই অসভ্য লোকটা আমাকে এসব  
কথা বলছে, আপনি interfere করছেন না?

অজিত। সত্যই তো, (অগ্রসর হয়ে মাণিকের প্রতি) আপনি  
ভদ্র মহিলার মান রেখে কথা কইতে জানেন না, আপনি  
যান, এখান থেকে চলে যান।

মাণিক। সরকারি রাস্তা, কেন যাবো (অজিতের প্রতি)  
আপনি এসেছেন ছেটদিদিমণির সঙ্গানে (ছায়ার প্রতি)  
আর আপনি এসেছেন ঐ ছিপছিপে ছোকরার সঙ্গানে,  
যার যেখানে ব্যর্থ তার সেখানে হাত। তা হজনেই  
দেখছি disappointed lover, ব্যর্থ-প্রণয়ী ব্যর্থ-প্রণয়ী  
বৱং তোমরা স্ব স্ব স্থানে গমন কর, আর মনে তোলাপাড়া  
করে কি হবে। ছেড়দিদিমণি আর সেই ছোকরা  
দোকলায় মজা লুটছে আর তোমরা foot path

মণিহারা ফলীনির মত ঘূরে বেড়াচ্ছ। তার চেয়ে বলি  
তোমাদেরও ত' উঠতি বয়স তোমরা মাণিকজোড় বেঁধে  
যাও—আমি চক্ষু সার্থক ক'রে বাড়ী গিয়ে whisky-র  
বোতলটা খুলি।

অজিং। (স্বগতঃ) লোকটার কি intuition, মাতাজৈর  
এমন হয় নাকি।

ছায়া। (স্বগতঃ) He can read the mind of man  
লোকটা কি ভয়ানক মন বুঝতে পারে!

অজিং। আচ্ছা মশাই, আপনি এখানে কোথা থাকেন?

মাণিক। এই কাছেই বাড়ী, তা বাড়ীতে আমার সন্ধান  
পাবে না। এই সন্ধ্যার বেঁকে এই রাস্তায় পাবে,  
আর যদি একান্ত না পাও তো ঐ মোড়ে গোবর্কিন  
সার থাটীর দোকানে উকি মারলেই দেখবে শর্মা  
দেবরাজ ইন্দ্রের মত সভা করে বসে আছেন। ( ছজনের  
প্রতি ) তোমাদের ত' যাহোক একটা হিলে হ'ল—  
আমার যে আভাস বোতলটা বাড়ীতে। চলুম মশায়—  
নমস্কার, বড়দিদিমণি চলুম কিছু মনে করো না, নিজ  
শুশে ক্ষমা করো।

[ অহান ]

অজিং। আপনি Mr. Roy-এর মেয়ে জ্যোৎস্নাকে চেনেন?

ছায়া। হ্যাঁ, সে আমার friend, আপনার পরিচয় জিজ্ঞাসা  
করতে পারি কি?

অজিং। আমার নাম অজিত বসু ; আমার সঙ্গে জ্যোৎস্নার  
বিয়ের কথা হয়েছিলো বলে আজ তাকে দেখতে  
এসেছিলাম।

ছায়া। তা দেখা হয়েছে ?

অজিং। হয়েছে। হলে কি হবে সে রাজী হলেও আমি  
অমন insolent নারীকে বিবাহ করবো না—তাছাড়া  
সে রাজীও নয়।

ছায়া। আপনি কি করেন ?

অজিং। আমি Philosophyতে M. A. 1st. Class 1st.  
আমার বাপ Sub. Judge, একটা Local College-এ  
প্রফেসোরি পেয়েছি। আপনার পরিচয় পেতে পারি কি ?  
যদি কিছু মনে না করেন।

ছায়া। আমিও English-এ M. A.। নারী—প্রগতি সভার  
আমি Secretary। দেখুন এ নারী-জাগরণের দিনে  
বিবাহ ব্যাপারটা একটা অতি কঠিন সমস্যা। বিবাহটা  
necessary institution কি না—আর যদি রাখতেই  
হয় তবে কি আকারে রাখা যাবে, এ সমস্কে খুব  
আলোচনা দরকার। আপনি ত খুব philosophy  
পড়েছেন, আমি আপনার সাহায্য চাই।

অজিং। বেশতো I am always at your service.

ছায়া। আপনার ঠিকানাটা আমাকে দয়া করে দেবেন।  
আমরা এ সব পরে discuss করবো।

অজিং। ( কার্ড দিয়া ) Most gladly, আর আপনার  
ঠিকানা ? ( কার্ড বুক-পকেটে রাখিলেন )

ছায়া। ( কার্ড দিয়া ) তবে ভুলবেন না, মনে রাখবেন  
আমার অনুরোধ।

অজিং। ভুলবো কি ? আমি যত শীঘ্র পারি আপনার  
সঙ্গে meet করবো—এখন আসি—

ছায়া। আশুন, Good night.

[ পরম্পরে তাকাতাকি—হাসি ও অঙ্গান ]

---

## পঞ্চম দৃশ্য।

[ “নারী-প্রগতি” সভার Anniversary—সারিদিকে ফুলে ও নিশানে  
ভরা, বড় বড় অঙ্কের উপরে লেখা “Any one smelling  
liquor will be summarily expelled” নিশানে নানাবিধ  
slogan লেখা মধ্যে “পদ্মা নারীর প্রধান শক্তি, উহাকে বধ কর,”  
“নিরক্ষর নারী ভারতে থাকিবে না” “নারীরা উচ্চ শিক্ষায়  
মনযোগী হউন,” “সকল বিষয়ে নারী পুরুষ অপেক্ষা শ্রেষ্ঠ,”  
“নারীর গঠনের তথাকথিত লাভণ্য নষ্ট করুণ,” “নারীপুরুষ  
বেশে সজ্জিত হউক,” “নারী ও পুরুষের পরম্পরের Divorce  
করিবার সমান অধিকার হউক,” “Election-এ নারী ও পুরুষের  
ভোট এক অন্তর্পাতে হউক,” “সকল উচ্চ চাকরীর দ্বার নারীর  
জন্য খুলিয়া দিক,” “পুলিশ ও সেনা বিভাগে নারী Recruit  
করা হউক,” “1941 সালের Census-এর ফল না জানা পর্যন্ত  
কোন নারী গর্ভধারণ করিতে পারিবেন না,” “গর্ভ হইলে  
গর্ভবতী-নারী ও গর্ভকারী পুরুষের ছয় মাস জেল হইবে  
এক্ষণ আইন হউক,” “হরিজন স্ত্রীলোক ময়লা বহিবে না,  
হরিজন পুরুষ তাহা করিবে,’ “হরিজন স্ত্রীলোকদের সব দেৰালমৰে  
ও কুপে অধিকার থাকিবে, হরিজন পুরুষদের অধিকার  
থাকিবেনা।” বিধবা বিবাহ অব্যাহত ভাবে দিতে হইবে।”  
“স্ত্রীবিয়োগ না হইলে বা স্ত্রীকে Divorce না করিলা কোন পুরুষ  
বিতীয় বিবাহ করিতে পারিবে না, করিলে জেল,” ইত্যাদি। ]  
President শ্রীবীণা দেবী, Secretary শ্রীহর্ষা দেবী,  
Asst. Secretary শ্রীঅজিত বসু, বহু নারী ও পুরুষের

সমাগম। তখন President উঠিলেন—দর্শক মধ্যে  
জ্যোৎস্না ও মাণিক আছেন। ]

বীণা দেবী। আমার স্বজাতি নারী—সভ্যাগণ ও বিজাতি  
পুরুষ—বন্ধুগণ—আজ আমি বুথা সময় নষ্ট করিব না।  
Secretary মহাশয়া agenda দেখিয়া এক একটা বিষয়  
চটপট করিয়া resolution করে নিন—অনেক resolution  
আছে—আমাদের পুরুষজাতির মত কথার আড়ম্বর  
চাই না, আমরা কাজ চাই—খালি pointগুলি বলিয়া  
বক্তৃতা করিবেন—লম্বা বক্তৃতাব দোড় চাই না, আমরা  
কাজ চাই। (Cheers)

Secretary. প্রথম বিবাহ এটা আবশ্যিকীয় Institution  
কি না :

President. বিবাহ থাকা দরকার, প্রথম কারণ পাঞ্চাত্য  
জগতে এখনও বিবাহ-প্রথা আছে। (২) বিবাহ না  
করিলে সন্তান জারজ হইবে, তাহা হইলে সম্পত্তির  
শয়ারীশদের গোলমাল হইবে। (৩) বিবাহ না থাকিলে  
সমাজের basis বা ভিত্তি নষ্ট হইবে। (Hear, Hear)

মাণিক। আর একটা কথা—বিবাহ না থাকিলে একটা  
মেয়ে মানুষের জন্য দশটা পুরুষ ঝাঁড়ের লড়াই লড়বে।

President. সত্য ভাষায় কথা কর, মেয়ে মানুষ বলবেন  
না, শ্রীলোক বলুন, “মেয়ে মানুষ, এটা যোগসূচী শব্দ  
অর্থ বেশ্যা—তারপর বিবাহের form—কি আকারে

বিবাহ হবে মন্ত্র, পুরুত, যতটা উঠে যায় ততই ভালো।  
 তবে registration of marriage থাকবে। Registration  
 বলতে নাম সহ কলেই, বিবাহ গণ্য হবে, পরম্পরকে  
 প্রতিজ্ঞাবদ্ধ হতে হবে না, কোন দায়িত্ব থাকবে না।  
 আর ইচ্ছা করে তারা যদি কোন সর্ত রাখতে চান, দলিল  
 করে রাখতে পার্বেন, তাতে ১ টাকার stamp লাগবে—  
 জনৈক শ্রী। সর্তর একটা দৃষ্টান্ত বলে দিন—  
 President. যেমন শ্রী সর্ত করতে পারে সন্তান বহন  
 করবে না। যদি গর্ভ হয় সে divorce কর্তে পারবে!  
 (Hear, Hear)

মাণিক। সাধু—সাধু—

Secretary. New item of business—divorce—অর্থাৎ  
 বিবাহ বিচ্ছেদ কব।

President যে কোন যুক্তিযুক্ত reasonable কারণে  
 পরম্পর পরম্পরকে divorce করতে পারবে—এ সব দেশে  
 আছে—পাশ্চাত্য জগতে আছে—মুসলমান আইনে  
 আছে। তবে তাদের আইনে একটা দোষ এই যে  
 পুরুষ যে কারণে divorce করতে পারে স্ত্রীলোকের  
 তার চেয়ে অনেক কম কারণে divorce করবার  
 অধিকার। এটা partiality, আমরা এ রূপক এক  
 চোখে আইন রাখবো না।

(Claps,) (Hear, Hear)

আর divorce-এর জন্য আদালতে নালিশ করতে হবে, আর আমাদের মুসলমান নারী ভাইগণ, ধাদের একটা বিষয় বিপদ যে স্বামী তিনি বার তালাক মন্ত্র উচ্চারণ করে divorce কর্তে পারে—এ আইন আব থাকবে না—মুসলমান পুরুষদের আদালতে নালিশ করে স্ত্রীকে divorce কর্তে হবে—

মাণিক। সভাপতি মহাশয়া—আমার নিবেদন, তার চেয়ে আপনি আইন করুন যে মেয়ে মানুষেরা—  
সকলে। আবার মেয়ে মানুষেরা—তাড়িয়ে দাও, তাড়িয়ে  
দাও, গলাধাকা দিয়ে বার করে দাও—

মাণিক। ঘাট মানচি বাবা, গলবন্দ হয়ে ঘাট মানচি, এই  
আমাদের স্ত্রীলোকেরাও যাতে তিনি বার মন্ত্র পড়ে  
স্বামীকে বরখাস্ত করতে পারে—

President. আর দেখুন divorce বিবাহের একটা corrolary  
মাত্র, বিবাহ থাকলেই divorce থাকতে হবে, এটা  
Ipso Facto follow করছে।

মাণিক। আর বিবাহ কবলেট ছেলে হবে, এটাও  
corrolary, Ipso Facto—তবে সন্তান বহন করবো না  
এ সর্বটা বিয়েতে চলবে—ঞ্চিটে বাদ দিন না  
সভাপতি সাহেব।—

President. বলু, আপনি উটা বুঝবেন না, পুরুষের ওভার  
বহন করতে হয় না, হবেও না, যদি কোন স্ত্রীলোক

ও-ভার বহন না করে, বিবাহ কর্তে চায়, তা'বলে কি  
বিবাহটা হবে না—ওটা compulsory থাকবে না,  
ওটা optional.

মাণিক। সভাপতি সাহেবা—সহবাস কি ভাবে চলবে, তারও  
কিছু সর্ত থাকবে না কি ?

President. সেটাৱ এখন statistics নেওয়া হচ্ছে, statistics  
পেলে actuaryকে consult করে পৰ বৎসর agendaয়  
মীমাংসা হবে।

মাণিক। হরি—হরি—

সকলে। বাব করে দাও, গলা ধাকা দাও, এখানে  
হরিবোল দিচ্ছে।

মাণিক। মাপ কৰো, ষাট হয়েছে—

[ ছায়া দেবী অজিতবাবুৰ নিকটে গিয়া ]

ছায়া দেবী। অজিতবাবু, এই সেই লোকটা, জ্যোৎস্নার  
বাটীৱ সামনে যাকে দেখা গেছলো, এ লোকটা মাতাল—  
এশানে কেন ?

মাণিক। বড়দিদিমণি—ছ'হাত এক কৰে দিলুম অজিতবাবুৰ  
সঙ্গে, Asst. Secretary হলেন, তুলে যাচ্ছেন কেন ?  
নেম্বৰকহারামী কৱবেন না, আমি বৱং ছ-পাঁচটা ভাল  
কথাই বলবো যাতে আপনাদেৱ নারী-প্ৰগতি উকাল  
ক্ষায় বেগে ছুটবে—

অঙ্গৎ। থাক্ থাক্ ওকে থাকতে দাও—

ছায়া দেবী। আমাদের এ constitutional meeting, এতে British Cabinet'র মতন opposition থাকা চাই—In the face of opposition we shall carry out our resolutions.

President. সত্তা—সত্তা—আদর্শ constitution'এ opposition থাকা চাই, ওকে থাকতে দাও।

মাণিক। ধন্দ্বাদ—শত সহস্র ধন্দ্বাদ—

ছায়া দেবী। এবার একটা বড় important item of business—নারী জাতির পূর্ব-গৌরব জাগিয়ে তুলতে গেলে, নারী সম্বন্ধে যেখানে যেখানে অশ্রীল reference আছে delete অর্থাৎ তুলে দিতে হবে। নারী একটা লালসার সামগ্রী, নারীর অঙ্গ নিয়ে পুরুষ-কবি বা পুরুষ-শিল্পী কত না অশ্রীল আদিরসের অবতারণা করেছে—আমাদের বক্ষ, নিতশ—(Shame, Shame) প্রত্তি শরীরের স্থানে স্থানের উপর কত কিনা লিখেছে। পুরুষের ও রকম লেখবার কি right আছে? হিন্দু-শাস্ত্রে বলে নারী পুরুষের ছায়া, শান্ত্রকার পুরুষ, তাই এই কথা—আমরা বলবো পুরুষ নারীর ছায়া (Cheers)। তারপর দেখুন মাসিক পত্ৰ, ঘাৰ মূল্য ॥০ আনা তাৰ frontispiece. গোড়াতে নয় বা অক্ষ নথি আলোকেৱ ছবি, আমাদেৱ একপ কৰে public'এ expose কৱাৰ জন্ম নালিশ চলে না—

President. আলবৎ চলে, আমি বিলেতে যখন Lincoln's Inn'এ Final Test'এ Medal পাই তখন ঐ বিষয়ে  
গবেষণা-পূর্ণ একটা thesis লিখেছিলাম—এটা Infringe-  
ment & Invasion of fundamental Property-mark.

মাণিক। ঠিক বলেছেন সভাপতি সাহেব property'ই এটে  
তাই অর্থাৎ আপনাদের কাঁচা বয়স থাকলে “মাল” বলি—

President. নিকাল দেও, dirty, obscene, vulgar কথা  
বলেছে, নিকাল দেও—

[ অনেকে মাণিককে ধাক্কা দিল—মাণিক চীৎকাব করিতে  
লাগিল—ভীষণ গোলমাল ]

মাণিক। এবারকার মতন মাপ করুন। এই, হৃটী ঠেঁট  
এক করলুম, কোন শালা আর ফাঁক করে—আপনারা  
চালান-- তবে আমার একটি নিবেদন—

ছায়া দেবী। কি ?

মাণিক। আপনারা যে যখন মাসিক পত্রের Editor হবেন  
তখন সে কাগজের গোড়ার পাতে পুরুষের নগ্ন বা  
অঙ্ক-নগ্ন পাতা-তোর ছবি দেবেন—তবে পুরুষ খন্দের  
না হোক, অনেক স্ত্রীলোক খন্দের হবে—

President. এ suggestion মন্দ নয়, সোকটোকে থাকতে  
দাও ; ওর suggestion ভাল—

মাণিক। সেবলেন্ট' সভাপতি সাহেব—আমি আপনাদের  
ভালই কর্বো, পুরুষজাতির উপর আমার বিশেষ ধৰ্ম

চিরকাল মেয়ে মাঝুবকে থাটো করে রেখেছে (Hear, Hear) এই দেখুন না, ছেলে প্রসব হলে শীক বাজল  
আর মেয়ে হলে শীক ছেড়ে একটা foot ballএর  
whistleও বাজায় না। তারপর ছেলের বেলায় অল্পাশন,  
মেয়ের বেলায় নাস্তি। ছেলের হল কোষ্ঠি—৭ হাত লঙ্ঘা,  
আর মেয়ের বেলায় যদি ভাগ্যে হলত এক বিগৎ  
ঠিকুজি—কেনরে বাবা—ছেলে কি ছাতা দিয়ে মাথা  
রাখবে? আবার কত নোংরা কথা—“পুত্রের মৃত্যে কড়ি”  
কেনরে বাবা, এইভো আমি পুরুষ মাঝুব, এতকাল  
মৃত্যে মৃত্যে বহুমুক্ত রোগ ধরে গেল, কই কড়িভো  
পেশুম না।

ছায়া। আপনি বলছেন খুব ভাল, কেবল ভাষাটা সংযত  
করবেন, আপনি একটু সভ্য ভাষায় কথা কন—  
আপনার কথার মূল্য আছে—

মাণিক। যে আজ্ঞে—“পুত্রের মৃত্যে কৌড়ী”—আমি বলি  
শুনুন, এবার মেয়ে প্রসব হলে আইন করুন, শীক,  
ষষ্ঠী বাজবে, উলুধনি হবে, ডবল হিজড়ে বিদেশের হবে,  
আট হাত কোষ্ঠি, চৌক পুরুষের জীবন আমার  
বংশের সাত পুরুষের আঙ্ক করতে হবে, মেয়ের  
অল্পাশনে, তারপর উগনয়ন হবে মেয়েদের, তবে দৈত্যে  
হবে রেশমের, তুলোর হবে পুরুষের। বিশ্বের শিশু  
কলে আসবে বয়ের বাড়ী, সদে কস্তা-বাঢ়ী, তবে বর

না হয় আর কনের বাড়ী ফিরবে না, procession  
করে সহর দুরে বরের বাড়ীতেই থেকে যাবে—

President. এর suggestionগুলো সব note করে নাও,  
লোকটা এ সব খুব study করেছে।

মাণিক। তারপর দেখুন, স্ত্রীলোক বাপের সম্পত্তি পায় না,  
এ কোন শাস্ত্রে আছে? ইংরাজের আইনে, মুসলমানের  
আইনে, মেয়ে পায়, আর পায় না এই অধম হিলু  
আইনে।

(Hear, Hear)

President. আপনি platformএ আসুন, এসে বলুন—  
[সকলে মাণিককে যত্নপূর্বক লইয়া গিয়া Daisএর উপর দাঢ় করাইল]  
মাণিক। দেখুন বঙ্গগণ, একটা কথা আমার রাখতে হবে,  
এই মাতৃমঙ্গল, child-welfare ওসব তুলে দিতে  
হবে—ঐ প্রসব ব্যাপারটা আপনাদের দীনতার কারণ,  
ঐটাই চল্লে কলঙ্ক, কুসুমে কৌট, ঘণালে কণ্টক, ঐটে  
একদম তুলে দিন, এই যে baby show হয়, ওর  
চেয়ে আর কলঙ্ক কি আছে। Dog show কর,  
flower show কর, baby show কি, ওই babyটাইতো  
কলঙ্কের নিশান। ওগুলো সব educated ladiesএর  
ভিতর থাকবে না। এখনও যারা নিরস্তুর অসভ্য  
শাড়াগেঁঠে সেই সব স্ত্রীলোক এখনও গর্ভধারিণ কলঙ্ক,  
কিন্তু baby অবস্থায় প্রকাশে ধার করবে না, হোলে

বড় হলে একেবারে সাধালক অন্তর্ভুক্ত রাস্তায় বেরোবে—  
baby দেখলেই কেমন একটা বিশ্বিভাব মনে পড়ে।  
মনে হয় এর আগে আতুড়টা, ঐ প্রসবটা, ঐ গভটা—  
কি কুৎসিত, কি অশ্রীল, তাই baby জিনিষটা show  
করবার নয়, ওটা ধামা চাপা দেবার (Hear, Hear)  
তাই ঐ baby show, মাতৃমঙ্গল কথাগুলোই তুলে দিন।

(Cheers করতালি)

President. আপনার suggestion আমরা ধন্ত হলেম,  
কিন্তু আপনার মত একজন বুদ্ধিমান বিচক্ষণ ব্যক্তিকে  
আমার কিছু বলবার আছে।

মাণিক। আজ্ঞা করুন, বাল্দা হাজির চিরকালই আপনাদের  
হকুম মেনে আসছি—

President. আমি আমাদের সুযোগ্যা Secretary Miss  
ছায়া দেবী, Assistant Secretary Mr. অজিতবুং ও  
জ্যোৎস্না মুখে অবগত হলেম যে আপনি মন্ত পান  
করেন— (Shame, Shame) এ কি সত্য ?

মাণিক। সভাপতি মহাশয়া ওরা যা বলেছেন তা সম্পূর্ণ  
সত্য—তবে পাছে আপনাদের কষ্ট হয় তাই এক আনার  
বড় এলাচ, ছোট এলাচ কিমে চিবুতে চিবুতে এখানে  
এসেছি। কিন্তু একটা কথা বলি, মনকে সুণা করলে  
আপনাদের উন্নতি হবে না। পুরুষদের প্রণালো।  
আপনাদের অনুকরণ করা কেন—কেড়ে নিতে হবে।

ওদের মত বিদ্বান হতে হবে, ওদের মত টাকা করতে হবে, স্বামী হাত তুলে হৃদশ টাকা দেবে, এতে শ্রীলোকের দাসীত ঘূঁটবে না। চাকরী করে ব্যবসা করে নিজ নামে Bank Balance করতে হবে। পুরুষ যেমন পরস্তী কুলের বাহির কল্পে' Penal codeএ দণ্ডের ব্যবস্থা আছে তেমনি শ্রীলোক পর পুরুষকে নিয়ে elope করলে তার জন্য পুরুষের মত সেই সেই Penal codeএ দণ্ডের ব্যবস্থা করতে হবে। পুরুষের সঙ্গে সমান পাল্লা দিতে হলে ওরা যে যে কাজ করে “কামিনী ও কাঞ্জন” (যা দক্ষিণেশ্বরে পূর্বমহৎস আহাম্মুকি করে ত্যাগ করতে আদেশ দিয়েছিলেন) সেটা ভাল করে দখল করতে গেলে, মঢ়ের আনশ্বুক—মঢ় পান না করলে যেমন কামিনী ও কাঞ্জনে আসত্তি জন্মে না—সেইরূপ আপনাদেরও পুরুষ ও কাঞ্জনে আসত্তি আনতে গেলে ও একটু একটু চুক্ত চুক্ত খেতে হবে—ওকে নিন্দে করলে বা ওকে ত্যাগ করলে নিজেদেরই ভবিষ্যৎ নষ্ট করবেন। অনুভূতির বশীভূত হয়ে কোন কাজ করবেন না। ওটা অত্যাবশ্যকীয় সামগ্রী না হলে দয়াবান গভর্নমেন্ট ওটা বজায় রাখবার জন্য অত চেষ্টা করবেন কেন? বরং আপনাদের ক্রমে ক্রমে হ্র-পাঁচথানা ঝাঁটি ও বিলিতীর দোকানের লাইসেন্স নিতে হবে—তখন মামা বলে দোকানে না ঢুকে মামী বলে দোকানে ঢুকবে

আর এক আদ দিন ধারেও না কোন্ ছ'এক গেলাস  
পাব। কল্যাণময়ী মা—এমন দিন কি হবে তারা—

গীত।

এমন দিন কি হবে তারা  
যেদিন মামী আমার বেচবে সরাপ,  
হবে এক ঢিলে ছ'পাথী মারা।  
হৃদ-বাসনা উঠবে ফুটে, মেগের বাঁধন যাবে কেটে  
মামীর কোলে মজা-লুটে বিভোর নেশায় দিশেহারা।

[সকলে চৈৎকার করিয়া উঠিল, “নিকাল দেও, নিকাল দেও,”  
স্বীলোকের সম্মান জানে না—হস্ত্য Brute ! নিকাল দেও ]

— — —

## ଦିତୀୟ ଅଙ୍କ ।

### ପ୍ରଥମ ଦୃଶ୍ୟ ।

[ ମାଣିକେର ବାଟୀର ଅନ୍ଦର-ଦାଳାନ ]

[ ମାତଜିନୀ (ମାଣିକେର ସ୍ତ୍ରୀ) ସ୍ଵାମୀର ଉଚ୍ଛିଷ୍ଟ ପାତେ କହା ହର୍ଗାର  
କହ ଭାତ ବଡ଼ିଆ ଡାକିଲ— ]

ମାତଜିନୀ । ଓ ହଗୀ—ଭାତ ଖାବି ଆଯ, ଆମି ଏଂଟୋ ପାତ  
କରୁକୁଣ ଆଗଲେ ମରବୋ—

( ନେପଥ୍ୟ ହର୍ଗା ) ଆମାର harmonium ନା କିନେ ଦିଲେ  
ଆମି ଭାତ ଖାବୋ ନା ।

ମାତଜିନୀ । ତା ବାବୁକେ ବଲିସ୍ ନା—ଆମାଯ କାହେ ପ୍ଯାନ  
ପାନିଯେ ନାଲିଶ କେନ ? ସବ ଟାକା ଶୁଣିର ଦୋକାନେ  
ଦେବେନ—ମେଯେଟୋ ଏକଟା ବାଜନା କିନବେ ତାର ଟାକା  
ଜୋଟେ ନା—

[ ହର୍ଗାର ପ୍ରବେଶ ]

ହର୍ଗା । ଆମାକେ harmonium ନା କିନେ ଦିଲେ school  
ଥେକେ ଆର କୋଥାଓ ଚଲେ ଯାବୋ, ଆର ବାଢ଼ୀ ଆସବୋ ନା—  
ମାତଜିନୀ । ଯା ନା—ଭାତ ଥେଯେ ଉଠେ, ତୋର ବାବୁ ଓସରେ  
ବଜେ ଭାମାକ ଥାଇଁ, ଏଥିନି ବେରିଯେ ଯାବେ—ଯା ନା,  
ଏହି ବେଳା କେନେ ବଲଗେ ଯା । ପାଶେର ଟିନେର ବାଢ଼ୀର  
କୈବର୍ଜନେର ଏ ଶେଫାଲୀ ଗାନେର ହଟଟୀ ସୋନାର ମେଡ଼େଲ

পেলে, ওদের বাড়ীতে ছ'টা হারমোনিয়াম্—আর একটা  
বাজনার জন্যে মেয়েটা আমার বাড়ীতে একটু গান  
শিখতে পায় না—পোড়া কপাল—

[ এমন সময় বীণা দেবী ও ছায়া দেবী সেই স্থানে আসিয়া উপস্থিত ]

মাতঙ্গিনী। [ তাতের পাত্র মাটীতে রাখিয়া এইটু জড়-সড় হইয়া গেল ]  
বীণা। আপনি কিছু মনে করবেন না—মাপ কর্বেন—  
আমরা বিনা অনুমতিতে আপনার বাড়ীর ভিতর  
চুকিছি—তা আমাদের পরিচয় দেই। আমরা সব  
কলকাতায় নারী-প্রগতি সত্তা করেছি জানেন তো—না  
জানলেও শুনেছেন বোধ হয়। যাতে মেয়েরা আর  
ধোঁয়ার মধ্যে, রান্নাঘরের অঙ্ককারের মধ্যে, আর না  
থাকতে হয়, যাতে মেয়েরা নির্মল বায়ু সেবন করে  
যদ্বার হাত থেকে রক্ষা পায়, আর যাতে মেয়েরা  
শ্বশুরবাড়ী গিয়ে বউকাটকী সেকেল শাশুড়ির হাত  
হতে পরিত্রাণ পায়।

ছায়া। যাতে মেয়েরা স্বাধীনভাবে জীবন কাটাতে পারে—  
স্বামীর গলগ্রহ হয়ে না থাকে।

মাতঙ্গিনী। আপনাদের সব কথা আমি বুঝতে পারছি নে—  
তা এসেছেন আমার তাপ্তি, বস্তুত আমি হাত ধূয়ে  
আসন নিয়ে আসি।

[ অস্থানোচ্চত ]

বীণা। আপনি ব্যস্ত হবেন না -আমরা বসছি।

[ মাতঙ্গিনী চলিয়া গেল ]

ছায়া (হৃগার প্রতি) তুমি ইঙ্গুলে থাওনি।

হৃগা। আমার হারমোনিয়াম কিনে না দিলে school থাব না।

বীণা। ভাত থাওয়া হয়েছে?

হৃগা। না আমি ভাত থাব না. হারমোনিয়াম না দিলে ভাত থাব না।

ছায়া। তোমার বাবা কি করেন?

হৃগা। তিনি বড় ফৌজদারী উকিলের মুহূর্তী।

ছায়া। তিনি কি আদালতে বেরিয়ে গেছেন?

হৃগা। না, বোধ হয় এইবার বেরিয়ে যাবেন।

[ মাতঙ্গিনী ভাত ধূইয়া একথানি মাতুর আনিয়া পাতিয়া দিল ]

বলিল—বসুন।

বীণা। আপনি কেন ব্যস্ত হচ্ছেন, থাওয়া দাওয়া সেরে নিন—আমরা এই রকম বাড়ী বাড়ী গিয়ে মেয়েদের সব শেখাই, যাতে ঘরে ঘরে মেয়েরা নিজেদের আত্মসম্মান, ইজত বুঝতে পারে।

মাতঙ্গিনী। তা আপনারা বসুন না, কতক্ষণ দাঢ়াইয়া থাকিবেন, মুখপুঁতী মেয়েকে কখন ভাত খেতে দিয়েছি, কড় কড় হয়ে থাচ্ছে—তবু মেয়ের ভাত খেতে বার হয় না, তা বাজনা না হলে ভাত থাবে না—

ছায়া। আচ্ছা, আমরা তোমায় হারমোনিয়াম কিনে দিব,  
তুমি খেতে ব'স।

[ হর্গা পিতার উচ্ছিষ্ট পাতে ভাত খাইতে বসিল ]

বীণা। আপনি এ এঁটো পাতে ওকে ভাত দিয়েছেন—  
(হর্গার প্রতি) উঠে পড়, উঠে পড়, খেওনা—  
মাতঙ্গিনী। কেন? ওতো ওর বাবুর পাত, ও আর আমিও  
থাই, যে দিন যার সুবিধা হয়—  
বীণা। আপনারা একজনের এঁটোপাতে আর একজন  
থান? জানেন এতে কত স্বাস্থ্যের হানি হয়, মাঝুরের  
আহারের মুখের থুথু লাল প্রভৃতি ভাত তরকারির  
সঙ্গে মিশে যায়, সে পাতে খেলে সংক্রামক বাধি হয়,  
আপনারা এ সামাজ্য স্বাস্থ্যের নিয়ম জানেন না?  
মাতঙ্গিনী। তা এতদিন তো খেয়ে আসছি, তা তো কোন  
রোগ হয়নি।

ছায়া। হ'তে কতক্ষণ, আর রোগ হয় নি কি করে  
জানলেন—রক্ত, urine পরীক্ষা করে দেখেছেন—রোগ  
চোরের মত লুকিয়ে কত সময় শরীরের মধ্যে বসে  
থাকে—যাক আজ থেকে আর আপনারা এঁটোপাতে  
বা এঁটো গেলাসে খাবেন না—এটি আমাদের অনুরোধ,  
আমরা ছেলেমাঝুষ, আপনি ছেলেপুলের মা—যদি কিছু  
মনে না করেন, তা হলে বলি, এই যে স্বামী-ত্রীর

চুম্বন এটাও শরীরের পক্ষে হানিকর বলে এখন  
উঠে গেছে।

মাতঙ্গিনী। ও মা ! কালে কত কি শুনবো মা, হৃষি যা  
মা, তুই উঠে যা, আমি তোকে আলাদা পাতে ভাত  
দিই, ও পাতে গিন্ধিমাছুষ আমি খাব'ওখন।  
বীণা। না, না, আপনিও খাবেন না—কত মাছি বসেছে,  
কত থুথু আছে।

মাতঙ্গিনী। আর, আমার থাকলেই কি ! গেলেই কি !  
ছায়া। ওকি কথা,—আপনার বয়স কত, জোর ৩০।৩২—  
এই বয়সে বিলাতে মেয়েরা বিয়ে করে।

বীণা। আপনার স্বামীর নাম কি, জিজ্ঞেস করতে পারি কি ?  
মাতঙ্গিনী। (অস্ত হয়ে) ওর নাম কি করে বলবো,  
সোঁয়ামীর নাম কি মুখে আনতে আছে।

ছায়া। একটা নাম উচ্চারণ করতে নেই—আপনারা এই  
বিশ্বাস নিয়ে সংসার করেন, এতে সুখ মনে করেন,  
ওঁ কি কুসংস্কার !

বীণা। একটা কথা জিজ্ঞেস করি, এই যে ভোর থেকে  
রাজ্ঞাঘরের ধোঁয়ায় বসে থাকেন, এঁটোপাতে থান,  
ধাসন মাজেন, বাড়ীতে ঝাঁচার-পাখীর মত বসে থাকেন,  
এতে ছটকট করেন না, এতে একটা মনের মধ্যে  
বিজ্ঞাহ আসে না !

মাতঙ্গিনী। বিজ্ঞাহ কি ?

বীণা। বিজ্ঞেহ—বিজ্ঞেহ একটা তড়িৎ শক্তির মত স্পন্দন, ভূমিকম্পের মত বিষম, উল্কার মত জ্বালাময়, একটা হৃদয়ের ভিতর থেকে শরীর ফেটে পুরুষ জাতির গড়া পীড়নের অবরোধ ভেঙ্গে ফেলার চেষ্টা—এ কুসংস্কার ফেলে দিন। নারীর ঘোল আনা দাবী, ঘোল আনা অধিকার কড়ায় গওয়া বুরু নিন, সর্বস্ব খুইয়ে ভিখারী হয়ে বসে আছেন।

মাতঙ্গিনী। (রাগিয়া চীৎকার করিয়া) আমি ভিখিরী বটে, আমার ঘর, বাড়ী, ছেলে, মেয়ে, সোয়ামী, আমি ভিখারী, সর্বস্ব খুইয়ে বসে আছি!! যার সোয়ামী আছে তার সব আছে—খোয়াব কেন—আমার সব আছে—আমার ছঃখ কিসের? তোমাদের বুরি ভাতার পুত নেই, তাই ধাঁড়ের মতন—দোর দোর মাটী খুঁড়ে বেড়াচ্ছ—যাও বাছ!, ও সব কথা বলত আমাদের বাড়ী আর এসো না—ঐ পাশের বাড়ীর টীনের চালে যাও, ওর কর্তা রেঙ্গুন গেছেন, মায়ে ঝিয়ে থাকে, মেয়েটা ২১ বৎসরের খুবড়ি, নাকি পাশের পড়া পড়ছে নাচে, গায়—রাত্রিতে ভূতের নেত্য হয়, মায়ে ঝিয়ে রাত্রিতে রাসলীলা বসায়।

বীণা ও ছায়া। ঈশ্বর নারীদের জাগাও, নারীর হৃদয়ে বল দাও, একুপ সব স্ত্রীলোক থাকতে আমাদের আর আশা ভরসা নেই।

[ মাণিক বাড়ীর ভিতর গোলমাল শুনিয়া হকা হাতে সেখানে  
হঠাৎ উপস্থিত হইল এবং বীণা ও ছায়াকে দেখিয়া ]

মাণিক। এ কি আপনারা ! স্বাগতম্, এ যে চল্ল সূর্য

এক সঙ্গে—গিন্ধি—শাক বাজাও, দুর্গা -চেয়ার নিয়ে আয়।

বীণা। আসুন—এ আপনার বাড়ী ?

মাণিক। এ গরীবের কুঁড়ে, আপনাদের পাদস্পর্শে আজ  
ধন্ত হল।

ছায়া। ও কি কথা—আমাদের কর্তৃণাই বাড়ী বাড়ী গিয়ে  
নারীদের জাগিয়ে তোলা।

মাণিক। বটে বটে, রোজ রাত্তিরে ফিরে দেখি গিন্ধি  
আমার কুস্তকর্ণের মত নিজা যাচ্ছেন, হাজার ডাকে  
তবে তুলতে হয়, আপনারা যদি একটু ওকে জাগিয়ে  
তুলতে পারেন।

বীণা। সে জাগা নয়, আপনি ত সব জানেন, সেদিন ত  
মিটিংয়ে “নারী জাগরণ” সম্বন্ধে কত কথা বল্লেন।

মাতঙ্গিনী। আচ্ছা, কুস্তকর্ণের মত ঘুমুই না ঘুমুই সে কথা  
পরের কাছে ঢে়ে। পেটবার দরকার কি —, নিজের কত  
গুণ !! বললে একথানা মহাভারত হয়ে যায়।

মাণিক। গুণ থাকলে কি তোমার কাছে গুন-গুন করতুম  
তা হলে এই বড় দিদিমণির মত পরিবার এনে ঘর  
কর্তৃম—ওদের মর্ম তুমি মুখ্য কি বুবাবে—

তুমি কুস্তকর্ণের মত ঘুমোও, আর ওরা জেগে  
জেগে ঘুমোন।

বীণা। তা আপনি আপনার স্ত্রীকে ভাল করে লেখাপড়।  
শেখাতে পারেন।

মাণিক। ওর সে বয়সে খিল পড়ে গেছে, গাধা পিটে  
কি ঘোড়া হয়?

মাতঙ্গিনী। কিছু বলছি না বলে যে বড় বাড়িয়ে তুলেছ,  
আমি গাধা, গাধার সঙ্গে যে থাকে সেও গাধা।

মাণিক। অর্থাৎ—হ্যাঁ আমিও গাধা, তা না হলে এই  
নারী জাগরণের দিনে এই মাগ নিয়ে ঘর করচ্ছি,  
চানিদিকে নারী-প্রগতির ফুরফুরে হাওয়া ছেড়ে কি  
আর ইচ্ছে করে এই পচা গরমে তোমার কাছ ঢুকি।

মাতঙ্গিনী। বটে, আমার এখানে পচা গরম, যাও না  
যেখানে মলয় বইছে সেইখানে যাও—ঐ রকম মদ  
গিলে রাত্রি বারটায় বাড়ী ঢুকলে ওরা হলে ঝাঁটা  
পিট্টো, আমি তাই কুঁড়ে পাথর ধরে দিই।

মাণিক। তা ঠিক, জানেন সভাপতি সাহেবা—আমার এই  
গিল্লিটি রত্ন, রত্ন—যাই করি না কেন বড় ক্ষেমাঘেন্না  
করে, “পতি পরম শুরু” শিখে ফিকে বোকাটে ধরণে  
হয়ে আছে—ওকে আর জাগিয়ে কাজ নেই, বরং  
ঐ দুর্গাটাকে—দুর্গা এদিকে আয় তো। (দুর্গা আসিল)

বীণা। এটি আপনার মেয়ে, বেশ বুদ্ধিমতী।

মাণিক। তা বুদ্ধি ওর মায়েরও খুব, তবে ওই বিদ্রের  
অভাব। মেয়েটাকে—আপনাদের মত গড়ে তুলিব—  
ওকে স্কুলে দিয়েছি, অনেক কিছু শিখেছে—আবার  
কবিতা লেখে—হগী, বল্ল না সেদিন সেই যে কবিতাটা  
তৈয়েরী করেছিস, একবার শুনিয়ে দে না—সেই তোর  
মার আর তোর সব তুলনা করে—

হৃগ্রা। শুনবেন, তবে শুনুন—

“মা আমার যেন সেকেলে ও বোকা,  
নাহি কোন তার ঘুড়ি।  
আমরা সত্যা স্বাধীনা বালিকা,  
ধরি ছ’ আঙুলে নিকি।  
বিচার করিয়ে দিয়েছি তাড়ায়ে,  
শীতলা, মনসা, ষষ্ঠী।  
শক্তি আঁতুড় শাঙ্কড় শঙ্কুর.  
মেরে পিঠে সব ষষ্ঠী।

বীণা ও ছায়া। বাহবা, কি সুন্দর কবিতা—কি Novel idea.  
মাণিক। দেখছেন, এ মেয়ে পরে আপনাদের সঙ্গে পালা  
দিতে পারবে। তোকে harmonium কিনে দেব ভয় কি।  
মাতঙ্গিনী। যা না হগী, ভাত খেগে যা, এবার তো  
বাজনা পাবি।

হৃগ্রা। তুমি “হগী হগী” করো না বলছি, হৃগ্রা বলতে  
পার না, নাম ত রেখেছ “হৃগ্রা”—আবার তা হয়ে গেল হগী।

ছায়া। ঠিক বলেছ, আপনারা কি আর নাম খুঁজে  
পান নি, তাই দুর্গা নাম রেখেছেন।

মাণিক। আমি এখনই নাম পাল্টে দিছি—দিদিমণিরা  
মেয়েটার নামকরণ করে দিন না—আমাদের কেমন  
সেই “খুঁদি”, “পুঁটিই” মনে আসে।

বীণা। নাম রাখুন “চিত্রা”।

মাণিক। গিল্লী, বড় জবর নাম হয়েছে—তবে, ও নাম  
ধরে ডাকতে পারবে তো—যেমন দুর্গা ভেঙ্গে দুগী  
করেছ, তেমনি চিত্রা ভেঙ্গে “চিতি” কর না।

মাতঙ্গিনী। কেন আমি কি শুন্দি করে কথাও কইতে  
পারি নি—নাকি, নিজে ভাল কথা জান—বাহিরে  
লোকের সামনে “গিল্লী গিল্লী”।

মাণিক। ঘাট হয়েছে—“প্রণয়নী, প্রাণতোষিনী”।

[ বীণা ও ছায়ার উচ্চ হাস্ত ]

মাতঙ্গিনী। (ক্রন্দন শুরে) যার তার সামনে এমনি ঠাট্টা  
অপমান, আমি এখনিই বোনের বাড়ী চ'লে যাবো  
(উচ্চেঃস্বরে) “রবে, রবে” বেরিয়ে আয়।

রবিন। (নেপথ্য) খেয়ে দেয়ে একটু ঘূর্মুচ্ছি, আর  
“রবে রবে”।

বীণা। রবে কে?

মাণিক। ওটি আমার ছেলে, নাম রবিন (উচ্চেঃস্বরে) রবে।

রবিন। (নেপথ্য) ও বাবা ! জোড়া ডাক, এই ত যাচ্ছি ।

[ রবিন এসে দাঢ়াইল, চোখে ঘুম জড়ানো ]

মাতঙ্গিনী। বাবা রবু একখানা গাড়ী নিয়ে আয় ত,  
আমি এক্সুনিই তোর মাসীর বাড়ী চলে যাবো ।  
মাণিক। রবি, যা ত বাবা, চট করে পুঁটিরামের দোকান  
থেকে চার আনার খাবার নিয়ে আয়, তোর পিসিমাদের  
জন্যে—নমস্কার কর—এরা তোর পিসিমা ।

[ রবি হাঁ করিয়া দেখিতে লাগিল ও চোখ ছ'হাতে মুছিতে লাগিল ]  
বীণা। না—না—খাবার কেন, আমরা খেয়ে এসেছি, থাক্  
থাকু—রবিন, খাবার আনতে যেও না ।  
মাণিক। ও কি একটা কথা, আজ আমার সুপ্রভাত, যে  
দিদিমণিরা আমার বাড়ীতে পায়ের ধূলা দেছেন, একটু  
মিষ্টিমুখ না করলে ছাড়ব কেন ?  
ছায়া। আপনার অতিথি সৎকারকে ধন্তবাদ—কিন্তু আপনি  
ব্যস্ত হবেন না ।

রবিন। (হাই তুলিয়া) কি আনব ? ডালমুট না ঘুঘনি ?  
মাণিক। শুরে বেটো—বেলা বারটা, আদালতে বেরচিছ  
এখন কি ডালমুট, ঘুঘনির সময়—ব্যাটা ভাত খেয়ে  
শুরে এমন ঘুম ঘুমিয়েছে যে মনে করেছিল সক্ষাৎ  
হয়ে এল ।

মাতঙ্গিনী। রবে, তুই গাড়ী নিয়ে আয় না, খেয়ে এসেছে  
. বলছে তবু মিষ্টিমুখ কর, মিষ্টিমুখ কর—আমার যে

বারটা বেজে গেল এখনও উন্মনের ছাই পেটে গেল  
না—তা একবার জিজেস কর্তে ইচ্ছা হল না।

বীণা। (মাতঙ্গিনীর প্রতি) আমাদের জন্মই আপনার খেতে  
দেরী হল, আমাদের মাপ করুন—রবিনের বাপের  
কোন দোষ নেই।

মাতঙ্গিনী। তোমাদের বাছা ওর হয়ে অত ওকালতি  
কর্তে হবে না।

বীণা ও ছায়া। (মাণিকের প্রতি) আমরা তবে আজ  
চলুম—নমস্কার।

মাণিক। ও কি! এখুনি যাবেন কি! একটা স্তুলোকের  
কথায় ভোড়কে গেলেন; বসুন বসুন, গিন্ধী—রাগ  
করো না ওরা আমার দিদিমণিরা (রবে, ছর্গা) ওরে  
তোদের পিসিমা।

ছর্গা। আমি পিসিমাদের সঙ্গে বেড়াতে যাব।

রবিন। (হাই তুলিয়া) কি খাবার আনবো, পয়সা দাও।

মাণিক। অয় অয়—এ ব্যাটার এখনও ঘূম ভাঙেনি,  
ব্যাটা দাঢ়িয়ে দাঢ়িয়ে ঘুমুচ্ছে (ভ্যাঙ্চাইয়া) কি খাবার  
আনব আঃ মর, খাবারের কথা যে চুকে গেছে, যা  
ঘুমুগে যা, গাড়ী আনতে হবে না।

মাতঙ্গিনী। যা গাড়ী আনগে যা, আমি চলে যাবই।

মাণিক। এই দু'কান মলছি, আর একটা কথা বলবো  
না, তুমি খেতে বসো।

বীণা। ও school-এ যাইনি কেন?

মাণিক। ও লেখাপড়া ছেড়ে দিয়েছে—third class-এ promotion পেলে না, ছেড়ে দিলে,

ছায়া। তা আর কি করবেন, যাক ছেলেদের লেখাপড়ার খরচা না করে এখন—আপনার মেয়েটিকে ভাল করে পড়িয়ে যান।

মাণিক। ইচ্ছে তো হয় কিন্তু গিন্নী হয়েছেন প্রতিবাদী।

মাতঙ্গিনী। বটে, দাও না এদের সঙ্গে ভিড়িয়ে দাও না, ছেলেটার তো মাথা খেয়েছে, আর মেয়েটার বাকি থাকে কেন—চুগী যা তোর পিসিদের সঙ্গে বেরিয়ে যা।

মাণিক। ওর কি বেরুবার বয়স হয়েছে গিন্নী; বরং সে কথা বলতে গেলে (মুচকে হেসে) তোমার জন্ম এখনও আমার ভাবনা।

মাতঙ্গিনী। ছিঃ ছিঃ পোড়াকপাল, এমন কথাও শুনতে হল, আমি হেঁটে বোনের বাড়ী চলে যাব।

[বেগে প্রস্থান]

বীণা। দেখুন দেখুন হয়ত রাগ করে কোথাও চলে যাবেন।

মাণিক। কোথাও যাবে না, ও আমার নিত্য, এই স্থানেই বেঁচে আছি ও আমায় ছেড়ে যাবে কোথায়?

ছায়া। আপনি এই রকম করে বলেন আর আপনার জীবন এই রকম সহ করেন।

মাণিক। করে বইকি ও রকম ছ'পাঁচ দিন যদি না বলি  
তাতে বরং ছঃখ পায়।

বীণা। বলেন কি? আপনার খুব আশ্চর্য সংসার।

মাণিক। কিছুই আশ্চর্য নহে দিদিমণিরা, ও তো জাগেনি,  
ও ঘুমিয়ে আছে, ঘুমুগ, ছেলেটা ও তাই ঘুমোয় কিছুই  
বলি না, জাগলেই পাকে পাকে শিস্ দিয়ে বেড়াবে  
আর বাবুয়ানির পয়সা যোগাতে প্রাণ বেরোবে।

রবিন। (হাই তুলিয়া) গাড়ী আনব—থাবারের পয়সা।

[সকলের হাস্ত]

মাণিক। (হস্তারে) ব্যাটা, দাঢ়িয়ে দাঢ়িয়ে ঘুম্ছে—  
ঘুমুগে যা—

রবিন। আর ঘুম হল কই, পিসিমাদের জন্তেই তো ঘুম  
হলো না।

মাণিক। আঃ—তোরও এই পিসিমাদের জন্ত—বেরো—  
এ পিসিমাদের জন্ত, ওরে তোদের ভাগিয যে পিসিমারা  
এসেছেন, বেরো।

[রবিনের হাই তুলিয়া অস্থান]

বীণা। যাক, এখন আপনার স্তৌকে খেতে বলুন,  
আমরা চলুম।

মাণিক। কিছু ব্যস্ত হবেন না, এখন গেলে কুকুক্ষেত্র  
বাধবে তার চেয়ে রাগ পড়লে ও বেলায় ফিরে

একটুতেই মেরামত করে নেব, আস্তুন আপনাদের  
সঙ্গেই বেরিয়ে পড়ি আদালতের বেলা হয়ে গেল।  
হৃগ্রা। বাবা, আমি পিস্তিমাদের সঙ্গে যাবো।  
মাণিক। আগে মায়ে কিয়ে ভাত খেগে যা—আর একদিন  
যাস ওথন—আস্তুন হৃগ্রা হৃগ্রা।  
বীণা। চিত্রা আর একদিন নিয়ে যাবো।  
মাণিক। চলুন (চীৎকার করিয়া) গিলী মাথা খাও, ভাত  
খেও—চলুন—হৃগ্রা হৃগ্রা।

[ সকলের অস্থান ]

---

## ଦ୍ଵିତୀୟ ଦୃଶ୍ୟ ।

—○—

କୁଳପେଣେର ବାଟୀ ।

—○—

( କୁଳପେନ ଓ ଜ୍ୟୋତ୍ସ୍ନା )

କୁଳପେନ । ଆମି ତୋ ସେଦିନ ତୋମାଦେର “ନାରୀ-ପ୍ରଗତି”  
ସଭାର ବ୍ୟାପାର ଦେଖେ ଅବାକ ହୟେ ଗେଛି ।

ଜ୍ୟୋତ୍ସ୍ନା । କେନ ?

କୁଳପେନ । କେନ ନା, ବଲ ? ଓ ରକମ କରେ ଯଦି ବିଯେ କରେ  
ହୟ, ଆମି ଏକଦମ ବିଯେ କରେ ନାରାଜ ।

ଜ୍ୟୋତ୍ସ୍ନା । ଭାଲ, ବିଯେ କରବେନ ନା ।

କୁଳପେନ । ହା—ତାଇ ମନେ ହଚ୍ଛେ, ଆର ମନେ କରେଛି ତାଇ  
ଯେ ଆଇବୁଡ଼ୋଇ ଥାକବ ।

ଜ୍ୟୋତ୍ସ୍ନା । ଇସ ! ଥାକତେ ପାରବେନ ?

କୁଳପେନ । ଆଲବନ୍ ପାରବୋ, ଆଗେକାର ବାଲବିଧିବାରା  
ଥାକତୋ ନା ।

ଜ୍ୟୋତ୍ସ୍ନା । ଉପାୟ ନେଇ, ତାଇ ଦାୟେ ପଡ଼େ ଥାକତ । ଦାୟେ  
ପଡ଼େ ଥାକା ଆର ସଥ କରେ ଥାକା, ହଇ ଏକ ନାକି ?

କୁଳପେନ । ଏ ଆର ବିଯେ ସଥର ରହିଲ କହି । ଛତ୍ରିଶ ବାଁଧନେର  
ମଧ୍ୟେ ପରିବାର ନିଯେ ସର କରେ ହବେ ତୋ !

জ্যোৎস্না। তা কেন? আপনিও স্বাধীন আর আপনার যিনি  
স্ত্রী হবেন তিনিও স্বাধীনা, ছত্রিশ বাঁধন বলছিলেন,  
তা কোন বাঁধনই নেই, পরম্পর একদম স্বাধীন।

রূপেন। আচ্ছা ভেবে দেখ, আমি বিবাহ করিনি, আর  
তুমিও তাই—মনে কর যদি তুমি আমার স্ত্রী হও।

জ্যোৎস্না। এখন মনেই বা করবো কেন?

রূপেন। আহা, সত্যিকার নয়, ধরে নাও, তক্ষের খাতিরে  
যাকে বলে argument's sake.

জ্যোৎস্না। তার চেয়ে ধরে নিন না—যে আপনি x আর  
y যদি আপনার স্ত্রী হন।

রূপেন। মাপ করো, ও algebra'র ভিতর আমি নেই—  
অনেক কষ্টে algebra'র হাত এড়িয়েছি—আর x, y  
বল না, গায়ে জর আসে তার চেয়ে ধরে নেওয়া  
যাক, R বিবাহ করে যদি Jকে।

[জ্যোৎস্না মুখ ফিরাইলেন]

জ্যোৎস্না। আর J যদি বিবাহ না করে, কুমারীই থাকে।

রূপেন। Rও তা হলে চিরকুমার।

[জ্যোৎস্না উঠিয়া পড়িয়া একখানি dressing table'এর সামনে  
দাঢ়াইয়া আয়নায় মুখ দেখিতে লাগলেন]

কাঞ্জিকের মত ময়ুর চড়ে তোফা কঁচা ছলিয়ে হিমালয়  
থেকে কলকাতা পর্যন্ত বেড়িয়ে বেড়াব।

জ্যোৎস্না। কান্তিকেরও শোনা যায় “ষষ্ঠী” স্তু ছিল।

রূপেন। সেটা বোধ হয় ‘গোপনে’।

জ্যোৎস্না। কেন হেলেপুলে হলে ষষ্ঠীপূজা হয় কখন  
শোনেন নি?

রূপেন। খুব শুনেছি, নিজেরেই ২১ দিনে যখন ষষ্ঠীপূজা  
হয় তখন থেকে শুনে আসছি।

জ্যোৎস্না। (হাসিয়া) আপনার জীবনের ২১ দিনের কথাও  
মনে আছে দেখছি।

রূপেন। তা দেশে দেশে মহাকবি যদি চার বছর বয়সে  
কবিতা লিখতে পারেন, আমি কি আর ষষ্ঠীপূজা  
মনে রাখতে পারিনে।

জ্যোৎস্না। টিকি ধরে না হলে কথা কর না দেখছি।

[ হঠাৎ drawer-এর উপর একখানি খোলা চিঠি দেখিয়া  
হাতে তুলিয়া লইলেন ]

এ যে ছায়ার হাতের লেখা—আপনার এ চিঠিখানা  
পড়তে পারি কি?

রূপেন। না পড়লেই—

জ্যোৎস্না। ভাল হতো—তবে তো আগে পড়ব।

(পড়িলেন) প্রিয় রূপেনবাবু—ক্ষমা করবেন, আপনি  
লিখিবার আগে আমি আপনাকে চিঠি লিখছি বলে।  
সেদিন phone-এ কথা কয়ে চলে গেলেন কোথায় তা

জেনেছি। হতে পারে জ্যোৎস্না আপনার হৃদয় আলো  
করেছে কিন্তু জ্যোৎস্না ক্ষণিকের নয় কি? তা বলে  
একটা শিক্ষিতা মহিলা আপনার কাছে common  
courtesy আশা করে এটা মনে রাখবেন। আপনার  
সময় মূল্যবান কিন্তু আমার সময় ত কিছু কম মূল্যবান  
নয়। আত্মাভিমান নাই ধরলুম আমাদেরও আত্মসম্মান  
আছে—কৃত হয়ে থাকি মাপ করবেন—যখন মন চঞ্চল,  
তখন কলম আঙুলের বাধা মানে না। ইতি—

শ্রীচায়া দেবী।

কাপেন। তুমি চিঠিখানা দেখে ফেলে ভালই হোল এর  
জবাব দোব, না দোব না?  
জ্যোৎস্না। আমাকে জিজেস করছেন কেন? চিঠি আপনার,  
লিখেছে আপনাকে, ইচ্ছে হয় জবাব দেবেন, না  
ইচ্ছে হয় না দেবেন।

কাপেন। না হয় আমাকে একটু পরামর্শ দিয়ে উপকার কলে।  
জ্যোৎস্না। আমার বিষয় লেখবার ওর কি অধিকার?  
কাপেন; স্বাধীনতা!

জ্যোৎস্না। চাইনা অমন স্বাধীনতা, স্বাধীনতা!  
কাপেন। তুমিও তো স্বাধীনতার পক্ষপাতী, বিবাহিতা  
নারীরও সম্পূর্ণ স্বাধীনতা বলছিলে।

জ্যোৎস্না। বলে থাকি, অন্তায় করেছি—থ্যাংরা মারি অমন  
স্বাধীনতার মুখে, আমি চলুম—আমি আজই “নারী-  
প্রগতি” সভার member থেকে resign দোব।

রূপেন। (উঠিয়া) রাগ কচ্ছ কেন? আমার কি দোব?

জ্যোৎস্না। দোষ—আপনার সম্পূর্ণ দোষ—আপনি যাকে  
তাকে বাড়িতে allow করেন কেন? দরওয়ানকে  
strict হকুম দিতে পারেন যে No admittance  
for young ladies.

রূপেন। তাহলে তুমি যে বাদ পড়বে।

জ্যোৎস্না। আমি আসতে চাই না—আমি আসতে চাই না  
(চোখে জল) আমি আর আসব না।

রূপেন। (শশব্যস্ত হইয়া) আমি ক্ষমা চাইছি, রাগ কর  
না, আমি চিঠির কোন জবাব দোব না।

জ্যোৎস্না। না জবাব দিতে হবে—আপনি লিখুন, আমার  
সামনে, লিখে পাঠিয়ে দিন আমি dictate করব, বস্তুন।

[রূপেন table-এ বসিলেন, জ্যোৎস্না দাঢ়াইয়া dictate  
করিতে লাগিলেন]

প্রিয় ছায়া দেবী—

আপনি ভুল বুঝেছেন—আমি Mr. Roy-র কাছে  
গেছলুম, জ্যোৎস্নার কাছে নয়। তাকে আমি  
শোটেই ভালবাসি না।

ক্রপেন। আমি মিছে কথা লিখতে পারবো না।

জ্যোৎস্না। কি মিছে কথা?

ক্রপেন। “যে জ্যোৎস্নাকে আমি ভালবাসি না।”

জ্যোৎস্না। ইস্তে তবে লিখুন “জ্যোৎস্নাকে বড় ভালবাসি।”

ক্রপেন। তাটী বা তাকে জানাবার দরকার কি?

জ্যোৎস্না। ওঃ—ইচ্ছা নয় সেটা মুখ ফুটে বলা—  
অপমানের কথা কিনা!

ক্রপেন। তা নয়, তবে একটী যুদ্ধীকে বলা যে আমি  
আর একজনকে ভালবাসি—etiquete বিকল্প।

জ্যোৎস্না। হোক etiquette বিকল্প—আমি যা বলব তা  
লিখে যেতে হবে।

ক্রপেন। তথাপি।

জ্যোৎস্না। (Dictione) জ্যোৎস্নাকে আমি ভালবাসি এটা  
সত্য হলেও যায় আসে না—আপনার উপর আমার  
শক্তি+আর কিছু—যা ব্যক্ত করবাব আমার শক্তি  
নেই, তাষা নেই।

ক্রপেন। এত মিথ্যে কথা অম্বানবদনে লিখতে পারব না।

জ্যোৎস্না। লিখতে হবে—যখন আমি বলছি—তা সত্যই  
হোক, আর মিথ্যেই হোক।

ক্রপেন। বলে যাও।

জ্যোৎস্না। কষ্টিপাথরে না ঘসলে সোণা কি গিলুটি টের  
পাওয়া যায় না—আপনাকে সেদিন দশ মিনিটে বিদেয়

দিয়েছি বলে যে মহাপাপ করেছি তার প্রায়শিক  
স্বরূপ আগামী বৃহস্পতিবার ভোর ছয়টা থেকে শুভবার  
ছয়টা পর্যন্ত ২৪ ঘণ্টা আপনার জন্য all-in করলাম—  
যদি নির্দিয় না হন, যখন ইচ্ছা আসবেন। ইতি—  
রূপেন। আমি বলি, এ লাইনটা কেটে দি।  
জ্যোৎস্না। কোন লাইনটা ?  
রূপেন। “কষ্টিপাথের না ঘসলে সোনা কি গিল্টি টের  
পাওয়া যায় না,” এর ভাবটা কেমন যেন—  
জ্যোৎস্না। না খটা রাখতেই হবে—ঐতেই সে ভাবে  
বিভোর হয়ে মরবে।  
রূপেন। যা বল, আমি নাচার—লিখছি।

[ রূপেন লিখিয়া দরওয়ানকে ডাকিলেন এবং বলিলেন,  
“চিঠি ডাক মে ছোড়” ]

পট পতন।

## তৃতীয় দৃশ্য।

সময়—সন্ধ্যার পর।

[বাস্তা—একটী দ্বিতীয় বাটীর থড়থড়ি খোলা, ইলেকট্রিক আলোয়

পরিপূর্ণ—একটী যুবতী হারমোনিয়ম সংঘোগে গান গাইতেছিল ]

### গীত

আজ      সবার রঙে রঙ মিশাতে হবে।

ওগো আমাৰ প্ৰিয়,

তোমাৰ রঙীন উত্তৱিয়,

পৱো পৱো পৰো তবে।

মেঘ      রঙে রঙ বোনা,

আজ      রঞ্জিৰ রঙ সোণা,

আজ      আলোৱ রঙ যে বাজলো পাথীৱ রবে॥

আজ      রঙ-সাগৱেৱ তুফান উঠ মেতে।

যখন তাৰি হাওয়া লাগে

তখন রঙেৱ মাতন জাগে

কাঁচা সবুজ ধানে৬ ক্ষেতে।

সেই রাতেৱ স্বপন-ভাঙ্গা

আমাৰ হৃদয় হোক না ঝাঙ্গা

হোমাৰ রঙেৱি গৌৱবে॥

[ মাণিক মাতাল অবস্থায় বাইতেছিল—ফুটপাথে নাড়াইয়া

আকণ হইয়া গান শনিল ]

মাণিক। “সবার রঙে রঙ মিশাতে হবে” বাঃ বেড়ে গান,  
আমিও রঙে আছি বাবা, তবে কিনা !

[ পরে গাহিল ]

### গীত

ঐ ঐ পালায় পর্দা ঘোম্টা ।  
ঘরে ঘরে বাজে ঠুংরী, টঞ্চা, খেম্টা ॥  
গেল গেল গেল দেশ্যার পেশা,  
ঘরে ঘরে হল বাবুইয়ের বাসা ।  
মদন ভাঙলে শিবের নেশা,  
তাই ভস্ম হল দেহটা ॥ .

(কান্দিয়া) রতির কান্নায় বেঁচে মদন,  
বলে আর যাব না বেশ্যার সদন ।  
এবার ঘরে বসে শুকদেব সেজে,  
চলবে ছশো মজা লোটা ॥

## চতুর্থ দৃশ্য ।

Mr. Roy-এর বাটী ।

( Mr. Roy ও ছায়া )

Mr. Roy. Air mail-এ হেমনের জবাব পেয়েছি—তারও  
ওই মত ।

ছায়া । হনেই তো—কপেনবাবুর তো কোন University  
education নেই ।

Roy. ছেলে তো rabbid হয়ে লিখেছে—যে কোন মতেই  
জ্যোৎস্নাকে ঝাপেনের হাতে দেওয়া যেতে পারে না ।

ছায়া । তিনি Oxford-এ education পাচ্ছেন—তিনি কি  
বলে মূর্ধের হাতে বোনকে সঁপে দিতে বলবেন ।

Roy. ঝাপেন ছেলেটী অন্য দিক দিয়ে খুব desirable,  
চেহারা অমন সুন্দর প্রায় দেখা যায় না—তার উপর  
বিষয় আসয় খুব যথেষ্ট তবে—আচ্ছা শুনিছি ছেলেটী  
নাকি খুব cultured well informed, তুমি এ  
সম্বন্ধে কিছু জান ?

ছায়া । একদিন জ্যোৎস্না আমাকে তাঁর কাছে introduce  
করে দেছে—জ্যোৎস্না ও আমার সঙ্গে যে স্বকর্ম কথা  
কইলে, মনে হ'ল কেমন একটা গোম্য ভাব ।

Roy. ইঁ polished societyতে তেমন মেশে না—দেখ তোমাকে একটা request আমার।

ছায়া। Request বলবেন না—বলুন command.

Roy. (উচ্চ হাসিলেন) হেমেন novemberএ বিলেত থেকে আসছে। এ কমাস একটু জ্যোৎস্নার উপর বিশেষ নজর রাখবে। বেশী মেশামিশি—  
ছায়া। মনে হয়, ধারা দ্বীজাতির স্বাধীনতার অর্থ বোঝে না, তারা দ্বীলোকের মর্যাদারও মূল্য বোঝে না।

Roy. ঠিক ঠিক<sup>“</sup>quite true—দেখ যদি মনে কর যে কল্পেন দ্বীজাতির মর্যাদা বোঝে না, তা হলে আমি বলব—যে ছজনায়—দেখা সাক্ষাৎ একদম বন্ধ হওয়াটি ঝোঁঝঃ।

ছায়া। যা দাঢ়াচ্ছে তাতে ওই রূক্ষ কিছু করাই মনে হয় ভাল, তবে—

Roy. (উভেজিতভাবে) এত “তবে” নেই, তবের ছজনার দেখা শুনা একেবারে বন্ধ করা দরকার—এখনি সে college থেকে আসবে, এলেই তাকে আমি directly বাঁরণ করে দেব।

ছায়া। আমার সামনে কিছু বলবেন না, সে মনে কর্তে পারে, আপনার এ ছকুমের ভিতর আমার হাত আছে।

Roy. তা কেন? আচ্ছা, তবে এক কাজ কর, আমি—এখনি একবার ভবানীপুর যাব—সে এলে তুমি তাকে

আমার এই হকুম জানিয়ে দিও, আর আমার এই হকুম শুনে তার ভাব আর উত্তর আমায় জানিও। ছায়া। আমার মনে হয়, আপনি নিজে বলেই ভাল হতো।

Roy. না—না—তোমরা এক সঙ্গে বসো, দাঢ়াও, তুমিই বলো—*you can't expect an old man like me to see through the heart of a young girl*

[ছায়া একটু মুচকি হাসিঃ মুখ ফিবাইলেন]

তুমি ওর মনের ভাব বুঝে গুছিয়ে বলতে পারবে ?  
ছায়া। মনের ভাব বুঝতে কি আর বাকি আছে ?  
Roy. মন কতদূর—কতদূর গেছে—How far—How far !

ছায়া। যতদূর মন যেতে চায়।

Roy. Ah my God (table-এ ঘুসি মারিয়া) তাকে 'বলে দিও—thus far and no further, খালি college-এ যাবে, তা ছাড়া বাড়ির চৌকাটের বাইরে যাবে না।

ছায়া। আপনি অতটী hard হবেন না ?

[জ্যোৎস্নার প্রবেশ, হাতে ধাতা ও পৃষ্ঠক সঙ্গে মাণিকের কঙ্গা চিঁড়া]

জ্যোৎস্না। কাকাবাবু—ছায়াদি এখানে এসেছে? ( ছায়াকে দেখিয়া ) এই যে, এই মেয়েটী তোমাকে খুঁজছে।

চিত্রা। এই যে পিসীমা, নমস্কার।

ছায়া। চিত্রা তুমি এখানে কেমন করে?

চিত্রা। তুমি বারণ করেছিলে—তাই বাবার এঁটো পাতে ভাত খাইনে বলে মা বাবাকে লাগিয়ে দিলে—আর বাবা বল্লে “দেশের লোক” রেষ্টুরাঁতে সত্যজাতের এঁটো চা খাচ্ছে—ডিম, চপ খাচ্ছে, তা বন্ধ করতে পারে না, আর তুই বাপের পাতে খাবি না—“মুখপুড়ী” এই বলে আমার গালে ধু করে চড় মাল্লে, গাল ফুলে গেছে।

ছায়া। আহা দেখি ( গালে হাত বুলাইয়া দিলেন )

চিত্রা। আমিও বাড়ি থেকে রাগ করে চলে আসছিলু, দেখি আপনি এ বাড়িতে ঢুকলেন—তা দরওয়ান আমাকে ঢুকতে দিলে না, অনেকক্ষণ পর এই ইনি ( জ্যোৎস্নাকে দেখাইয়া ) আমাকে নিয়ে এলেন. আমি বল্লুম আমার পিসীমা ছায়া দেবী এই বাড়িতে গেছেন।

জ্যোৎস্না। মেয়েটীর বেশ বুদ্ধি তো, তা তোমার বাবা মেরেছেন তা দুঃখ কি! বাবা, মা—মারবেন না তো কে মারবে? বসো, এর পর বাড়ি যেয়ো ওখন।

Roy. এটি কাদের মেয়ে ছায়া !  
ছায়া। ওর বাপ একটি বিচিত্র ব্যক্তি, সেকাল আর  
একাল দুই তাতে পাবেন—যেন east আর west এক  
সঙ্গে meet করেছে।

Roy. বটে peculiar লোক তো, যদি পার তো আমার  
সঙ্গে আলাপ করিয়ে দিও।

ছায়া। এই আপনাদের পাড়াতেই থাকেন।

Roy. তোমরা চা, tiffin খাও, মেয়েটিকেও দাও। আমি  
বেরচিছি, আমার আসতে একটু দেরী হতে পারে।

জ্যোৎস্না। যে আজে।

[ Roy-এর অস্থান ]

[ তিনজনে টেবিলে বসিল, দেয়াবা তিন কাপ চা, খাবার রাখিয়া গেল ]

চিত্রা। আমি টেবিল চেয়ারে বসে এ রকম কথন থাইনি।  
জ্যোৎস্না। কথন না ?

চিত্রা। একবার আমাদের স্কুলের মাষ্টার দিদিমণির  
“বিদায়-ভাজ” হয়েছিল, তাতে চেয়ারে বসে চা খেতে  
গিয়ে, কাপ হাত থেকে পড়ে . গিয়ে ভেঙ্গে ফেলি,  
তার ভন্তু ১/০ আনা পয়সা জরিমানা দি., ঘাও  
মেরেছিল, যদি আপনাদের কাপ ভেঙ্গে ফেলি ?

জ্যোৎস্না। আমরা কাপ ভাঙলে পয়সা নিই না, তুমি  
ভাল করে খাও—( ছায়ার প্রতি ) কতক্ষণ এসেছ ?

ছায়া। আধ ঘটা হবে—তোমার কাকাবাবুর সঙ্গে গল্প করছিলুম।

জ্যোৎস্না। এত কিসের গল্প? আর বুড়ো মানুষের সঙ্গে গল্প না করে ততক্ষণ কোন young manএর সঙ্গে রসালাপ করলে মূল্যবান সময়টা ভালভাবেই কাটত।

ছায়া। আমরা শিক্ষিতা মহিলা যে সে young manএর সঙ্গে রসালাপ করি!! What do you mean by রসালাপ? আমি এটা অপমান মনে করি।

[ খাওয়া এক্ষ ]

জ্যোৎস্না। তোমার সঙ্গে যে দেখছি ঠাট্টা করবার যো নেই।

ছায়া। তুমি আমার মনের ভাব যথেষ্ট জানো—আমি পুরুষ জাতটাকেই ঘৃণা করি, কাজেই ও সব ঠাট্টা আমার ভাল লাগে না!

জ্যোৎস্না। আমার কিন্তু পুরুষ জাতটাকেই বড় ভাল লাগে।

ছায়া। কতদিন?

জ্যোৎস্না। যতদিন কাপেনবাবুকে দেখেছি।

ছায়া। আমি আগেই বুঝেছি—তবে তুমি যে এত টেঁট কাটা হয়েছ তা জান্তে না, আচ্ছা কাপেনবাবুকে দেখতে কি খুব সুন্দর?

জ্যোৎস্না। কেন, তুমি তাকে দেখিনি?

ছায়া। কই আৱ দেখালে ? বলেত্তিলে একদিন আমাকে introduce কৰে দেবে—তা দিলে কই ? কেন হিংসে আজ তা বুৰতে পাবলুম। তা দেখ হিংসেৰ কোন কাৰণ নেই, কেন না তোমাৰ মত আমি কাপেনবাবুকে দেখে অমন এলিয়ে পড়ব না—আমি “নাৰী-প্ৰগতি” সভাৰ secretary

জ্যোৎস্না। আমাৰ নাম কেটে দিও “নাৰী-প্ৰগতি” সভাৰ মেমুৰ থেকে।

ছায়া। তুমি না বলেও আমি ক'টি দিতুম। যে মহিলা সুপুৰুষ দেখলেও অত সহজে নিজকে বিলিয়ে দেয়, “নাৰী-প্ৰগতি” সে মহিলাৰ জন্য নয়।

চিত্রা। কাপেনবাবু কে ? (জ্যোৎস্নাৰ প্ৰতি) যিনি আপনাদেৱ বাড়ি প্ৰায় আসেন, বং ফনসা ?

ছায়া। ওঁকে জিজ্ঞেস কৰ—উনি ঠাকে খুব চেনেন, আমি চিনি না।

চিত্রা। কেন ? আপনিও ত ঠাকে চেনেন।

ছায়া। আমি !

চিত্রা। হঁ, আমি সেদিন স্কুল থেকে আসছিলাম, আৱ ঠাকুৰ মোটৱে ঠাকুৰ পাশে বসে আপনি।

ছায়া। (হাসিয়া) কাকে দেখতে কাকে দেখেছ, মোটৱ যে সাঁ কৱে ছুটে চলে যায় তাত কি মালুম চেনা যায়, এ পুটকে মেয়ে ত খুব !

চিত্রা। পুঁটিকে মেয়ে বৈকী! আমি কতদিন তোমাকে এ বাড়িতে আসতে দেখেছি। আবার রূপেনবাবুকেও আসতে দেখেছি। আমি ছজনকেই খুব ভাল চিনি।

জ্যোৎস্না। চিত্রা, বাচালতা করন। বলছি, উনি এম, এ, পাশ, “নারী-প্রগতি” সভার সেক্রেটারী-- উনি যেমন পুরুষকে ঘৃণা করেন, তেমনি মিছ। কথাও ঘৃণা করেন—উনি যখন বলছেন “না”, তখন তুমি বল “যে আমি আপনাকে ও রূপেনবাবুকে একত্রে মোটরে দেখি নি”।

ছায়া। জ্যোৎস্না!—তোমার এ ব্যঙ্গ আমার সহ হয় না, বরং রূপেনবাবুকে জিজ্ঞেস করো, যদি আমার কথা বিশ্বাস না হয়।

জ্যোৎস্না। রূপেনবাবুকে জিজ্ঞেস করলে সে কি আর সত্য কথা বলবে; তোমার সঙ্গে মোটরে বেড়িয়েছে, সে কথা কি আমার কাছে স্বীকার করবে?

ছায়া। বোঝো—পুরুষ জাতটা কত মিথ্যাবাদী।

জ্যোৎস্না। আর তুমি হলে বড় সত্যবাদী।

ছায়া। Up on God, আমি রূপেনবাবুকে কখন চক্ষে দেখিনি।

জ্যোৎস্না। এ চক্ষুতে না দেখে থাক, মনের চক্ষুতে দেখেছে—তা দেখ, আমার তাতে যায় আসে না।

রূপেনবাবু আমার কে?

ছায়া। রূপেনবাবু যে তোমার কে—তা তোমার কাকাবাবুও জেনেছে।

জ্যোৎস্না। কাকাবাবু!

ছায়া। হ্যাঁ, তোমার কাকাবাবু—তিনি এই বালে গেলেন  
যে জ্যোৎস্নার যে রকম বাড়াবাড়ি দেখছি, তাতে তার  
বাড়ির চৌকাট বাহির হওয়া নিষেধ, কলেজ ছাড়া।

জ্যোৎস্না। এ কথা কাকাবাবু নিজ মুখে বলেছেন? আমি  
বিশ্বাস করি না।

ছায়া। আমায় বলতে বলেছেন তাই বল্লুম—তা না হলে  
তিনি নিজেই বলতেন।

জ্যোৎস্না। তা হলে তুমিই তাকে লাগিয়েছে।

চিত্রা। আমার মাও বাবাকে ওই রকম লাগায়—তাই  
তো বাবা মারে।

জ্যোৎস্না। বেশ, কাকাবাবু যা বলেছেন তাই হবে—  
খাচার পাথী হয়ে থাকব। তবে কাল একবার  
গিয়ে রূপেনবাবুকে বলে আসব, যে আমিও আর  
আসব না, আর রূপেনবাবুও যেন আমাদের বাড়ি  
না আসেন।

ছায়া। কাল কখন যাবে?

জ্যোৎস্না। যখন সুবিধা হয়।

ছায়া। কাল তো বৃহস্পতিবার, বৃহস্পতিবারে যেতে নেই।

জ্যোৎস্না। এ হিন্দুয়ানী তো তোমার মুখে পূর্বে কখন শনিনি।

ছায়া। একান্ত যাও, কাল সকালে যেও, বৃহস্পতিবার  
বারবেলায় যেও না।

জ্যোৎস্না। আমি বারবেলাতেই ঘাব, যখন ইচ্ছে ঘাব.

কাল ভোরে গিয়ে সমস্ত দিনরাত থেকে পরশু  
ফিরব, যখন এই শেষ দেখা -

ছায়া। মাপ কবো ভাট্ট, আমাব কোন দোষ নেই—

তুমি কালকে কোন মতে যেও না, আমি বরং তোমার  
কাকাবাবুকে বুঝিয়ে বলি।

জ্যোৎস্না। কাকাবাবুকে আব তোমার বোঝাত হবে না,

আমি কালই গিয়ে রূপেনবাবুব কাছে ইস্তাফা দিয়ে  
আসব, চিত্রা তুমি গান গাইতে পাব ?

চিত্রা। হ্যাঁ।

জ্যোৎস্না। তবে গাও ত, কিছু ভাল লাগছে না।

ছায়া। ভাল লাগবেই না তো, তার উপব আৱ কাল  
বৃহস্পতিবাৰে যেও না।

জ্যোৎস্না। তোমার অত বৃহস্পতিবাৰে জন্ম মাথাব্যথা কেন ?

চিত্রা। মাও বৃহস্পতিবাৰে কোথাও যেতে দেয় না।

ছায়া। দেখছো জ্যোৎস্না, সব ঘৰেই বৃহস্পতিবাৰ  
মানে।

জ্যোৎস্না। তুমি নিজে মান ?

ছায়া। ভয়কৰ রকম।

জ্যোৎস্না। কাল তুমিও তা হলে কোথাও যেও না।

ছায়া। আমায় কাল চার পাঁচটা lady member সভায়  
নিয়ে বোলপুৰে শাস্তি-নিকেতনে যেতেই হবে।

চিত্রা । স্কুলের দিদিমণি একথানা গায়—তাই গাহিব ?

জ্যোৎস্না । গাও ।

### গীত

চিত্রা । আমি নীল পাথী, আমায় ধরো না ধরো না  
 আমি নীল আকাশে লুকিয়ে থাকি,  
 আমায় খাঁচায় রেখ না রেখ না ।  
 আমি চেয়ে থাকি নীল জলদের পানে,  
 আকুল নয়নে ;

পাই যদি প্রেমবিন্দু  
 এ ধরায় শুধু প্রেমের চাতুরি, প্রাণ লুকোচুরি,  
 মরত সম প্রেমসিন্দু ।

আমি বিষাদ মাথা গাহিব বিরহ গান,  
 তাতে নাহি কোন মিলন মধুর তান,  
 এই গান গাহি অবাধে ত্যজিব প্রাণ,  
 আমি নীল পাথী, ওগো আমি নীল পাথী,  
 আমায় ধরো না ধরো না  
 আমায় বেধো না বেধো না ।

[ বাহিবে ভয়ানক গোলমাল, দ্বিউরান ও মাণিকের  
 মারামারি করিতে করিতে অবেশ ]

মাণিক। আমি গালে আমার মেয়ের গলা পেয়েছি—  
বেটা মেড়ো আমায় আবার বাধা দেয়, জানিস্  
কৌজদারী আদালত আমার ট্যাকে।

জ্যোৎস্না। দরওয়ান, যানে দেও—তোম বাহার যাও।  
মাণিক। তুই এখানে, আমি চোপর দিন গরু  
খোঁজা করছি—আজ তোর পিঠের চামড়া তুলব—  
নৌল পাথীর গান হচ্ছে, চড়িয়ে লাল করে দেব না।

[ মারিতে উত্তৃত ]

জ্যোৎস্না। মারবেন না—মারবেন না। ( বাধা প্রদান )  
মাণিক। কে, ছেট দিদিমণি, আর এ যে বড় দিদিমণি  
গঙ্গা যমুনা এক সঙ্গে—সাঙ্ক্ষ্য প্রণাম—(হৃগাকে) দাঢ়িয়ে  
থাক এ টুলের উপরে।

[ হৃগার তথাকরণ ]

যা নারীধর্ষণ, নারী হরণের যুগ এসেছে—তোকে যে  
পেয়েছি এই চের।

ছায়া। কেন ওকে দণ্ড দিচ্ছেন—ছেলে মানুষ টুলের উপর  
কতক্ষণ দাঢ়াবে ?

মাণিক। ওকে সেই যে একটিদিন স্বাধীনতার মন্ত্র  
বেড়েছেন, ব্যস—ধন্বি মন্ত্র আপনার !

জ্যোৎস্না। আপনি বশুন, হাপিয়ে গেছেন—আপনার  
মেয়েটিকে আমার কাছে আসতে দেবেন—আমি ছায়ার  
মত স্বাধীনতা মানি না।

মাণিক। তা জানি, আপনি জাতে আছেন—উনি  
জাতের বাহিরে।

ছায়া। কি রকম?

মাণিক। এ বামুন কায়েত জাত নয়, (জ্যোৎস্নাকে) আপনি  
এখনও স্তুলোক আছেন—উনি পুরুষ হয়েছেন।

ছায়া। আমি পুরুষ—dam you.

মাণিক। স্তুলোকের ধর্ম—ঘরে থাকবে, পুরুষ তার কাছে  
গিয়ে হত্যা দেবে, আর পুরুষের ধর্ম স্তুলোকের  
পিছু ঘূরে বেড়াবে। ছোটদিদিমণির কাছে ঝল্পেনবাবু  
আসেন, আর বড়দিদিমণি পুরুষের মত ঝল্পেনবাবুর  
পশ্চাক্ষাবন করেন।

[ টুলে দাঢ়াইয়া দুর্গা হাততালি দিল ]

ছায়া। ( দাঢ়াইয়া উঠিয়া সক্রোধে ) You bloody fool,  
জ্যোৎস্না তুমি চুপ করে যে, তোমার বাড়িতে বসে  
একটা মাতাল আমাকে অপমান করছে—আর তোমার  
কথা নেই—তুমি বোবা—তোমার সঙ্গে আমার  
এই শেষ—

[ অহাশোক ]

## পরিষেব দৃশ্য ।

রাত্রি—৮টা ।

[ ঢাকুবিয়া লেকেব ধাব—পাঁশে বেঞ্চেব উপৱ হইটী যুবতী  
বেলা ও বেকা কথায় লিপ্ত ছিল ]

বেলা । আজ বড় গরম ।

রেকা । বাতাসও দিচ্ছে না ।

বেলা । এত হাওয়া বইছে, বাতাস দিচ্ছে না—ভেতৱেৰ  
গরম এত বুবি ?

রেকা । তিনদিন হোষ্টেল থেকে চুপে চুপে পালিয়ে আসছি—  
কই মিছে আসা ।

বেলা । এখানে বসে চুপ কৰে গল্প কৱলে কি আৱ আসবে ।

রেকা । আমাৰ ভাট যেচে কাক সঙ্গে কথা কইতে  
লজ্জা কৱে ।

বেলা । তা হলেই হয়েছে, কাল থেকে তুই আসিস্ নে,  
তোৱ এ কাজ নয় ।

রেকা । তুমি ত পুৱাণ হয়ে গেছ—তুমি আলাপ কৱিয়ে  
দিতে পাৱ ?

বেলা । দূৰ ! তুজনে বসে আছি বলে কেউ ঘেঁসছে না  
আৱ দিকি আলাদা আলাদা বেড়াই ।

রেকা । আমাৰ পা ব্যথা হয়ে গেছে, আমি আৱ বেড়াতে  
পাৱব না—আমি হোষ্টেলে কিৱে যাই, রাত হয়ে যাচ্ছে ।

বেলা। হোষ্টেলে আধখানা মন আর এখানে আধখানা  
করলে কি হবে—হোষ্টেল তুল্যা, যত রাতই হোক।  
রেকা। হোক।

বেলা। দেখনা, একটা মতলব করছি।

[সামনে দিয়া চোরা চাহনি মারিতে মারিতে যুবক, কেহ একা,  
কেহ যুগলে—চলিয়া যাইতে লাগিল]

জনৈক যুবক যাইতে যাইতে—আপনারা ঘাসের উপর পা  
দিয়ে বসবেন না—কাল এখানে একটা সাপ দেখা  
গিয়াছিল।

[বেলা ও রেকা লাফাইয়া দাঢ়াইল]

বেলা। ওহো—আমার পায়ে কি কামড়ে দিলে।

যুবক। এঁয়া, এঁয়া, বসে পড়ুন (বেঁকে বসিল) (torch  
লাইয়া পা দেখিল) এই যে ankle'এর উপর কামড়েচে,  
দাতের দাগও ছটো, (রুমাল বাহির করিয়া) আমি  
একটা শক্ত করে বাঁধন দিয়ে দি—আপনি সাড়ীটা  
একটু তুলুন, বিপদে লজ্জা কি? (বাঁধিতে বাঁধিতে)  
লাগছে, লাগছে? লাগলেই বলবেন, (বেলা—উহঃ, উহঃ)  
কি কর্ব—একটু শক্ত বাঁধন দিতে হবে। (হাঁটুর উপর  
সাড়ী উঠিল, ligature just হাঁটুর উপর দিল)।

[আর একটি যুবক উপস্থিত]

২য় যুবক। কি, কি—what is the matter?

রেকা। একে সাপে—

২য় যুবক। কামড়েছে—Ah God—দেখি দেখি (প্রথম যুবককে সরাইয়া) আর একটা বাঁধন দরকার, বিষ উপরে উঠতে পারে (ক্ষমাল বাহির করিয়া ত্বিতীয় বাঁধন দিল)।

রেকা। আমার কি রকম বুক খড় ফড় করছে, আপনারা ওকে বাঁচান।

২য় যুবক। চলুন (ধরিয়া) আপনি ওই বেঞ্চে বসুন (রেবাকে ধরিয়া অন্ত নিকটস্থ বেঞ্চে বসাইয়া) nervous হবেন না!

[তৃতীয়, চতুর্থ ও পঞ্চম যুবকের প্রবেশ]

২য় যুবক। এই lady'র পায়ে সাপে কামড়েছে, দয়া করে যদি একটু Carbolic acid আনতে পারেন।

। কোথা পাওয়া যাবে?

৫ম যুবক। এই যে Lake Market'এর সামনে, তেতলার নীচে Popular Pharmacy.

১ম যুবক। পারেন তো কারুর একখানা বাইক কি মোটর বাইক নিয়ে যান, দেরী করলে সর্ববনাশ।

২য় যুবক। পারেন তো ধানিকটা ice আনবেন—এই lady'টা এই দেখে faint হয়ে গেছেন।

৩য়, ৪র্থ ও ৫ম যুবক। চল, চল, তিনজনেই ঘাওয়া যাক।

[ ২য় যুবক নিজের পাঞ্জাবি খুলিয়া রেকাকে বাতাস করিতে লাগিলেন ]

১ম যুবক। গাটা কি খিমু খিমু করছে?

বেলা। হ্যাঁ।

১ম যুবক। জলছে?

বেলা। হ্যাঁ।

১ম যুবক। আমি চিমটী কাটছি, টের পাছেন?

বেলা। না—জোরে কাটুন।

১ম যুবক। ( তথাকরণ ) লাগছে?

বেলা। একটু।

১ম যুবক। তয় খাবেন না, এখনি Carbolic acid এসে  
পড়বে ( মাথায় হাত দিয়া ) আপনার বড় ঘাম হচ্ছে,  
( ২য় যুবকের প্রতি ) আপনি একবার এঁকে হাওয়া  
করুন—আমি হাঁপিয়ে পড়েছি, আমি ততক্ষণ ওঁকে দেখি।

[ দ্রুই যুবক চাকরী অদল বদল করিলেন। ২য় যুবকের ক্রমাল না থাকায়,  
কাপড়ের কোচা দিয়া মুখ মুছাইয়া দিলেন এবং বাতাস করিতে করিতে ]

২য় যুবক। একটু ঘাতনা কম হচ্ছে?

বেলা। একটু যেন।

২য় যুবক। সাপ ঠিক টের পেলেন?

বেলা। কামড়ালে কিসে, কি জানি।

২য় যুবক। ঠাণ্ডা বোধ হয়েছিল কামড়াবার সময় ?  
বেলা। আপনি কপালে হাত বুলিয়ে দিন—যাতন্টা যেন  
কম মনে হচ্ছে।

২য় যুবক। Heaven forbid সাপ নাই হোক—অঙ্গ কোন  
কীট যেন হয়।

১ম যুবক। ( রেকার মুখে হাত বুলাইয়া ) একটু স্থূল  
বোধ হচ্ছে ?

রেকা। আগেকার চেয়ে—আপনি বুকটা একটু চেপে  
ধরুন, বড় ধড় ফড় করছে।

১ম যুবক। ( তথ্যকরণ )

[ ৩য়, ৪থ মে যুবক catabolic acid ও বরফ লইয়া পৌছিলেন ]

এই নিন—এখন কেমন ?

৩য় যুবক। কোন খান্টা ?

২য় যুবক। ( Torch দিয়া ) এইখান্টা।

৩য় যুবক। কই দাগ তো দেখতে পাচ্ছি না ( tula acid এ  
ভিজাইয়া ) হঁ দাগ দেখেছি, ভাল করে torch ধরুন।

বেলা। বড় জ্বলবে—দেবেন না।

৩য় যুবক। জ্বলবে না, ভয় খাবেন না—আর জীবনের  
জন্য যদি একটু জ্বলেই।

৪থ যুবক। ( Ice কমালে গুড়াইয়া ) এই নিন ice দিন।

[ বেদার মাথায় কপালে ১০০ দিলেন ]

৫ম যুবক। আমি বরং phone করে দি—ambulanceএর  
জন্ত।

১ম ও ২য় যুবক। না, না—এখন নড়লেই বিষ উঠে পড়বে।

[ তিনজন ladyর প্রবেশ ]

১ম, ২য় ও ৩য় স্ত্রী। কি হয়েছে—কি হয়েছে?

৫ম যুবক। Snake bite case.

১ম যুবক। আর ইনি সেই দেখে faint হয়ে গেছেন।

১ম স্ত্রী। তা এত ভিড় করছেন কেন? সাপ দেখেছেন?

২য় যুবক। না।

২য় স্ত্রী। পোকা হতে পারে।

৩য় স্ত্রী। পিপড় হতে পারে।

২য় যুবক। কাল এখানে একটা সাপ বেরিয়েছিল।

১ম স্ত্রী। সেই শুনে স্বপন দেখেছে—সাপ কামড়েছে।

২য় স্ত্রী। সাপ এখানে বসে আছে, এমন পরিষ্কার জায়গা।

৩য় স্ত্রী। সাপের তো খেয়ে দেয়ে কাজ নেই—তাই এখানে  
আসবে কামড়াতে।

১ম স্ত্রী। Much ado about nothing.

২য় স্ত্রী। Tempest in a teapot.

৩য় স্ত্রী। Mountain of a mole hill.

স্ত্রী-সকলে। চলো চলে, মিথ্যে একটা fun করেছে, ওঁদের

ছুজনকে থাকতে দিন আসুন (৩য়, ৪র্থ ও ৫ম যুবকগণকে)  
একটু boat trip—

[ স্তৰী তিনজন ও ৩য়, ৪র্থ ও ৫ম যুবকগণ চলিয়া গেল ]

( এখান হইতে একটী দৃশ্যে, ডাইটী পাশাপাশি দেখান হইবে )

১ম যুবক। ( রেকাকে ) বুক ধড়ফড় কি একটু কমলো ?

রেকা। হঁ। অনেকটা—আপনাকে ধন্তবাদ।

১ম যুবক। ধন্তবাদ চাই না, আপনার এই কোমল অঙ্গ  
স্পর্শই আমার পূরক্ষার।

রেকা। আমি কোমল !

১ম যুবক। আপনি কুম্ভমের চেয়েও কোমল।

রেকা। তা হলে আর পয়সা দিয়ে ফুল কিনবেন না,  
রোজ সঙ্ক্ষ্যার পর এসে স্পর্শ করলেই—

১ম যুবক। এত সৌভাগ্য আমার !

রেকা। আমারও কি নয় ?

[ ১ম যুবক রেকার মুখের কাছে মুখ লইয়া গেলেন ]

রেকা। ওরা ওখানে দেখতে পাবে।

১ম যুবক। ওদেরও ওই ! ( রেকা হাসিলেন )

২য় যুবক। এখন কেমন বুঝছেন ?

বেলা। যাতনা চলে গেছে, carbolic acid খুব উপকার  
করেছে, many thanks আপনি আজ আমাকে মরণের  
হাত থেকে বাঁচালেন।

২য় যুবক। আমি বাঁচালেম, ঈশ্বর বাঁচিয়েছেন—আমি  
উপলক্ষ মাত্র।

বেলা। না, আপনিই বাঁচিয়েছেন—ঈশ্বর আবার কে ?  
আপনার এ উপকারের আমি কি প্রতিদান দোব।

২য় যুবক। দাতা কি না দিতে পারে ?

[ ২য় যুবক বেলার মুখের কাছে মুখ লইয়া গেলেন ]

বেলা। ওরা ওখানে দেখতে পাবে।

২য় যুবক। ওদেরও ওই ! ( বেলা হাসিলেন )

[ চুম্বন ]

## অষ্ট দৃশ্য ।

রূপেন্দ্র কঙ্ক—বৃহস্পতিবার ।

সামনে কুক—তাহাতে পাঁচটা বাজিয়াছে ।

[ বেয়াবা কতকগুলি ফুল আনিয়া দিল । রূপেন সেগুলি  
ফুলদানে সাজাইতে লাগিলেন—হঠাতে পিছন ফিরিয়া  
দেখেন জ্যোৎস্না ]

রূপেন । ( চমকিয়া ) কোনদিক দিয়ে বাড়িতে ঢুকলে ?  
জ্যোৎস্না । চুপিচুপি পেছনের দোর খুলে এলুম—দেখতে  
ছায়ার সঙ্গে কি রকম আলাপ হচ্ছে ।  
রূপেন । দেখলে কি রকম আলাপ করছি ।  
জ্যোৎস্না । আপনার ছায়া আজ আসবে না ?  
রূপেন । আমার ছায়া কি রকম ?  
জ্যোৎস্না । হঁ, তোমার—এক সঙ্গে মোটরে করে বেড়ান  
হয়েছে, আর তোমার নয় !  
রূপেন । তুমি তো আমাকে বিষম গোলে ফেলে দেখছি,  
আমায় জেরা করে কথা নেবে—তারপর ছায়াকে  
জেরা করবে, তারপর আবার আমাকে জেরা—এতে  
প্রাণ বাঁচে কি করে ?  
জ্যোৎস্না । প্রাণ ওইভেই আরো বাঁচে—তবে ছায়া আজ  
আসবে না ।

কাপেন। কেন? কেন? তুমি—তাকে কিছু বলেছ বুঝি! জ্যোৎস্না। আমার ভারি গরজ—তাই তাকে বলতে যাব।

[ ফুলদান হইতে একটী গোলাপ স্থানে স্থানে ]

আমি চলুম।

কাপেন। কি রকম!

জ্যোৎস্না। কি রকম আর কি—ছায়ার প্রতীক্ষায় রয়েছে—  
আমার না থাকাই ভাল (আমি চলুম)

কাপেন। এই যে বলে যে ছায়া আজ আসবে না।

জ্যোৎস্না। বলে—সে আজ তোরে বোলপুর যাবে।

কাপেন। গেছে নাকি?

জ্যোৎস্না। তা আমি কি জানি—আপনার কি মনে হয়?

কাপেন। আমি কি করে জানব? আমি কি হাত গুন্বো?

জ্যোৎস্না। এতে হাত গুন্তে হয় না—বড় গুমোর হয়  
যে স্তুচরিত্র আমি ভারি বুঝি—আর এই ছোট  
কথাটী বুঢ়িতে এল না—ওটা আমার চেখে খুলা  
দেওয়া, বোলপুর কেন—এই মধুপুরে অসবার জন্য  
বেরুল বলে—ভয় নেই।

কাপেন। তুমিই তো dictate করে চিঠি লেখালে—আমি  
কি নিজে তাকে নেমত্ত্ব করিছি?

জ্যোৎস্না। আমি dictate করিছি, সই করি নি—যে সই  
করেছে, তার মনের কথা হলো চিঠি।

ক্রপেন। আমার মনের কথা, তুমি যা ইচ্ছে বলতে পার।  
জ্যোৎস্না। যা ইচ্ছা বলবার আমার অধিকার আছে—  
আছে তো, না নেই, বলুন—বলুন।

ক্রপেন। আমি কথায় তোমার কাছে পার্ব না, তুমি  
ভারি হৃষ্টু।

জ্যোৎস্না। হৃষ্টু লোকের এখানে না থাকাই ভাল, তবে চলুম।  
ক্রপেন। এত শীঘ্ৰ যাবে ?

জ্যোৎস্না। যাব বই কি—এই বসলুম, (বসিলেন) মনে  
করেছেন বুঝি আমি সত্যই চলুম—কি বুদ্ধি আপনার !

ক্রপেন। কিছু মনে করো না, আমি বুঝতে পারি নি।

জ্যোৎস্না। তা বুবেন কেমন করে, একজনের দিকে মন  
পড়ে আছে, তাই ধূলা পায়ে বিদেয় করে দিচ্ছিলে—  
না থাকাই ভাল, চলুম।

ক্রপেন। না যেও না—আমার শত অপরাধ হয়েছে।

জ্যোৎস্না। না, তবে একটা কথা বলে যাই—আজ আপনার  
সঙ্গে আমার সঙ্গে এই শেষ দেখা।

ক্রপেন। কি বলছ তুমি, ক্ষেপে গেছ নাকি ?

জ্যোৎস্না। না ক্ষেপি নি—কাকাবাবুর হকুম।

ক্রপেন। কাকাবাবুর !

জ্যোৎস্না। হাঁ, তবে কাকাবাবু নিজ মুখে বলেন নি—  
ছায়ার মুখে বলিয়েছেন—কারণ আপনার ছায়া ফোড়ন  
দিয়েছেন।

রূপেন। ছায়া ফোড়ন দিয়েছে, আমার তা বিশ্বাস হয় না।  
 জ্যোৎস্না। তা তো হবেই না, উচ্চ শিক্ষিতা যুবতী—তার  
 সাত খুন মাপ—তাই এসেছি, ছায়াও আসছে, তাকে  
 বদলি দিয়ে চলে যাব, আর এ মুখ দেখাবো না।  
 রূপেন। তুমি কি যে বলছ—আমি বুঝতে পারছি না—  
 তুমি আমাকে পাগল করো না।

[ জ্যোৎস্নাকে লইয়া ৪০ঁয়, বামে বসাইলেন ]

জ্যোৎস্না। আমিই পাগল হয়ে যাবো, কাকার অবাধ্য  
 হতে পার্ব না, তোমায় ছায়াকে দিয়ে চলুম—আর  
 আসব না।

রূপেন। ( রান্ধ আবেগে ) জ্যোৎস্না—জ্যোৎস্না, কার জন্তু  
 এ জীবন জাননা কি ?

জ্যোৎস্না। জানি।

রূপেন। তবে ?

জ্যোৎস্না। কাকাবাবুর নিষেধ।

রূপেন ! আমি কাকাবাবুর পায়ে ধরব—তাতেও যদি  
 বিবাহে সম্মতি না দেন গোপনে তোমাকে বিবাহ কর্ব।

( নেপথ্য ) হজুর --

[ হইলেন বিভিন্ন chair-এ বসিল দরওয়ানের প্রবেশ এবং card প্রদান ]

କାହିଁନେ । ଛାୟା ଏସେହେ ।

ଜ୍ୟୋତ୍ସ୍ନା । (ଦର୍ଶଯାନକେ) ଯାଉ, ଆନେ ବଲୋ—ଆମି ଚଲୁମ,  
ଓକେ ଦେଖିଲେ ଆମି ରାଗ ସାମଲାତେ ପାରିବ ନା ।  
କାହିଁନେ । ନା—ନା—ତୁମି ଯେଓ ନା—ତୁମି ପାଶେର ସରେ ଥାକ,  
ଆଡ଼ାଳ ଥେକେ ଦେଖ ଆମି କି କରି, ଯେ ତୋମାର ମନେ  
କଷ୍ଟ ଦିଯେଇଛେ, ତାକେ ଶାନ୍ତି ଦୋବଇ ।

[ ଜ୍ୟୋତ୍ସ୍ନାବ ପାଶେବ କଙ୍କେ ଗମନ ଛାୟା ଓ ଦର୍ଶଯାନେବ ପ୍ରବେଶ ]

କାହିଁନେ । ଆସୁନ—ନମଶ୍କାର, (ଦର୍ଶଯାନକେ) ଯାଉ ଫଟକ୍ ବନ୍ଧ  
କରୋ, କଇକୋ ମାତ୍ର ଆନେ ଦେଓ ।

[ ଦର୍ଶଯାନେର ପ୍ରଶ୍ନାନ ]

ଆମାର କି ସୌଭାଗ୍ୟ—ମନେ କରିଛିମୁ, ଯେ ଆପଣି ଯେ  
କ୍ରମ ରାଗ କରେଇନେ, ତାତେ ଏ ଅଧିମେର ନେମତତ୍ତ୍ଵ ଗ୍ରହଣ  
କରିବେନ ନା ।

ଛାୟା । ଆପନାର ନେମତତ୍ତ୍ଵ ଆମି ଅଗ୍ରାହୀ କରତେ ପାରି ?

କାହିଁନେ । କି ଜାନି ବଲୁନ, ଭୟ କରିଛିଲ (ଘଡ଼ିର ଦିକେ  
ତାକାଇଯା) ଆବାର ସତ ସନ୍ଧ୍ୟା ହେଁ ଆସି—ଭାବିଛିଲୁମ  
ଆର ବୁଝି ଆପନାର ଦୟା ହୋଇ ନା, ବିଷ୍ୱାସାରେର  
ବାରିବେଳା ।

ଛାୟା । ବାରିବେଳା,—pouh ?—ଆପଣି ଓ ସବ ମାନେନ ନାକି ?

ঝাপেন। একটু আধটু মানতে হয় বৈকি—আর দেখুন  
ঠেকে শেখা, একদিন বৃহস্পতিবারের বারবেলায় জ্যোৎস্নার  
বাড়িতে Mr. Roy আমাকে বিশেষ রকম তাচ্ছিল্য  
করেছিলেন, অপমান বল্লেই চলে—আমার University  
education নাই বলে।

ছায়া। আপনি এই অপমানের পরও জ্যোৎস্নার জন্য পাগল?  
ঝাপেন। কে বল্লে আপনাকে যে আমি তার জন্য পাগল।  
যার পয়সা আছে, তাকে অনেক সুন্দরী স্ত্রীলোক বিয়ে  
করতে প্রস্তুত। তবে আপনার মত উচ্চশিক্ষিতা  
এম, এ, পাশ মহিলার সে ইচ্ছা না হতে পারে, কেন  
না—আপনারা অর্থের চেয়ে educationটাকে বড়  
মনে করেন।

ছায়া। তা করি সত্য—কিন্তু আপনার মত culture  
থাকলে আমাদের সব আপত্তি ভেসে যায়।

ঝাপেন। (দীর্ঘ নিঃশ্বাস ফেলিয়া) কেন, আমায় পাগল করছেন?

ছায়া। জ্যোৎস্না আজ এসেছিল?

ঝাপেন। না, সে সকালে দরওয়ান পাঠিয়েছিল যে তার  
কাকার হঠাতে কি অসুখ করেছে, তাই আজ আসতে  
পারবে না।

ছায়া। তা আপনি তো একবার দেখতে যেতে পারতেন?

ঝাপেন। আপনার জন্যে আকুল আগ্রহে ভোর থেকে বসে  
আছি, বেরতে পারি কি?

ছায়া। Thanks আমার সৌভাগ্য, তুনতে পাই আপনি  
নাকি জ্যোৎস্নার সঙ্গে engaged?

কল্পন। Engaged হওয়াটা কি এতই সত্তা—তবে সেও  
আসে, আমিও যাই, তাই দেখে আপনি বুঝি  
সাধ্যস্ত করছেন।

ছায়া। না—তা—নয়, তবে জ্যোৎস্নার কথায় মনে হয় সে  
আপনার প্রতি বিশেষ অনুরক্ত, আর আপনারও তো তাই!

কল্পন। বলতে পারেন—যদি মিথ্যা সত্য মনে করেন।

ছায়া। আজকের মিথ্যা আবার কাল সত্য হয়। আবার  
এই তিনি চার মাস এত ঘনিষ্ঠ সম্বন্ধ, এতে শালীনতার  
বাইরেও তো গিয়ে থাকতে পারেন—চূজনেই—

কল্পন। সে কথা মান্ব কেন? এ যুগে স্ত্রী পুরুষ  
সংযমী কত? বর্তমান সাহিত্য গলাবাজি করে বলছে  
যে যুবক যুবতী একত্রে, এক ঘরে, এক শয্যায় ছয়  
মাস কাটাচ্ছে—পরস্পরে বন্ধুর মত; আপনি—জ্যোৎস্না,  
সবই তো এই বর্তমান যুগের আদর্শ মহিলা।

ছায়া। সেকেলে অশিক্ষিতা স্ত্রীলোকেরা তো সংষম জানতো  
না, শিক্ষার ফলই সংষম।

কল্পন। তাই তো বলছি—আগেকার সাহিত্যিকদের ধরন  
না। “সধবার একাদশী” দীনবন্ধু মিত্রের—ভাল করে  
পড়েছেন তো—যখন English এ M. A., তখন তো  
আর বাঙালি সাহিত্য বাস দেন নি।

ছায়া। দীনবঙ্কু আমি পড়ি নি—ওটা বড় ( মুখে কল্পাল  
দিয়া ) অশ্রীল।

ক্লাপেন। তাইত—নিমটাদ বলছে “ব্যাটা ভান্দুর বৌয়ের  
কাছে শোয় আবার পাশবালিশ আড়াল,” যেন এটা  
এতই অসন্তুষ্ট ; আজ যদি দীনবঙ্কু বেঁচে থাকতো—  
নৃতন editionএ কেটে লিখে দিতো, যে “ভান্দুর  
বৌয়ের কাছে শোয় মাঝে পাশবালিশ নেই, আড়াল  
নেই, অথচ উভয়ে প্রাতে শয্যাত্যাগ করলে যেন  
এক জোড়া নপুংসক।

ছায়া। ( হাসিলেন ) আপনার কি Humour.

ক্লাপেন। ( হাসিয়া ) দেখুন সাধনায় সিঙ্কি, একা থেকে  
সংযমটা একেবারে এমন সেধেছি যে, বিয়ে করতে  
একদম নারাজ।

ছায়া। এ আপনার বাড়াবাড়ি।

ক্লাপেন। কিছু না, আপনিই বলুন না এই যে আপনি  
কত বিদ্যাভ্যাস করেছেন, কঠিন সংঘর্ষের মধ্য দিয়ে  
এতে যৌন ভাবটা, কেমন কেমন মনে হয় না ?

ছায়া। ঠিক বলেছেন, তবে একটা দিক, অনাস্বাদিত  
থেকে যায়।

ক্লাপেন। তাই বা থাকবে কেন ? প্রেমিক ও প্রেমিকার  
বন্ধুষে কি একটা অনাবিল তরঙ্গ।

ছায়া। সেই তরঙ্গে বুঝি জ্যোৎস্না ভেলে গেছে ?

কল্পেন। যাক ভেসে ষাক। আমি তাকে চাই না।  
ছায়া। কল্পেনবাবু আমার মাথা কি রকম করছে (কল্পেনের  
কাঁধে মাথা রাখিল) আপনি কি সুন্দর কথা কর—  
কল্পেন। তুমি sofaয় মাথা রাখো, আমি অডিকলনের  
শিশিটা আনি।

[শিশি আনিয়া ছায়ার কপালে ও গঙ্গে দিয়া]

আপনি একটু আরাম করুন, আমি গোটাকতক টাটকা  
ফুল তুলে আনি, ফুলের গন্ধে আপনার মাথাটা  
সুস্থ হবে।

ছায়া। না, আপনি যাবেন না। থাকুন। টাটকা ফুল?  
বলুন, জ্যোৎস্না “বাসি ফুল” ফেলে দিয়েছি, বলুন।  
কল্পেন। জ্যোৎস্না বাসি ফুল, ফেলে দিয়েছি।  
ছায়া। তিনবার বলুন, দিবি করুন।  
কল্পেন। তোমাকে ছুঁয়ে দিবি করছি (মুখে মুখ দিয়া)  
চল ভিতরে চল,

[Mr. Roy. Police Inspector ও মাণিকের হঠাত প্রবেশ]

Mr. Roy. জ্যোৎস্না, জ্যোৎস্না, একি ছায়া! তুমি!!

[ছায়া ও কল্পেনকে একত্রে দেখিয়া মুখ ফিরাইলেন]

Ah my God!

[হঠাত পার্শ্ব কক্ষ হইতে জ্যোৎস্নার প্রবেশ]

জ্যোৎস্না। এই বে কাকাবাবু—আমি ছায়ার সঙ্গে এখানে  
এসেছিলাম, ছায়ার মাথাটা কি রকম গরম হয়ে গেছে,  
অডিকলন দিয়েছি কম্বছে না, তাই smelling salt  
আনতে গিয়েছিলাম।

[জ্যোৎস্না তাড়াতাড়ি শিশির ছায়ার নাকে ধরিল। ক্লপেন উঠিয়া  
Mr. Roy-এর পদধূলি লইলেন। ছায়া সেই অবস্থার  
sofa-র মাথা দিয়া রাখিল ]

Mr. Roy. (সম্বয়স্তে ছায়ার নিকটে গিয়া) ছায়া, ছায়া,  
একটু মাথায় জল দাও, কেন এমন হল ?

জ্যোৎস্না। ক্লপেনবাবুর library-র বই দেখতে দেখতে।

মাণিক। যে সেখাপড়া শিখেছেন তাতে যুবার কাছে এলে  
ওটা হতেই হবে। ও nervous shock.

Inspector. মাণিকবাবু একেবারে নাড়ি ধরে রোগ  
ঠাইরেছেন।

জ্যোৎস্না। আপনি ছায়ার মুখে আমাকে যে হকুম দিয়েছেন  
তা শুনে ছায়াকে বলেছিলেম এসে দেখতে ক্লপেনবাবুর  
culture কত ? তাই তিনি তার library আমাদের  
দেখাচ্ছিলেন।

ছায়া। (ক্ষীণভাবে) মাথা ফেটে যাচ্ছে।

Mr. Roy. কথা কোওনা, আরও সুস্থ হও (Inspector-এর  
প্রতি) আপনাকে বুথা কষ দিয়েছি, কিছু মনে

করবেন না। আমি জ্যোৎস্না ও কল্পেনকে দোষী মনে করে অশার করেছি।

Inspector. Good Bye, চতুর্থ।

মাণিক। কল্পেনবাবু আপনি একটু সেবা করুন। তাতে সর্দিও কেটে যাবে, গর্মিও কেটে যাবে।

জ্যোৎস্না। এখন অনেকটা সামলেচে।

[ ছাড়া উঠিয়া বসিল ]

ছায়া। কাকাবাবু।

Mr. Roy. এখনও কথা কোওনা, আর একটু শুষ্ট হও।

ছায়া। না, আমার জন্তে ভাববেন না। আগে কল্পেনবাবুর কাছে আমার মাপ চাওয়া, ওর যা education, তা বিলেতি professorদের ভিতর পাই নি। আর জ্যোৎস্না—আগে মনে করতুম কল্পেনবাবু তোমার অবোগ্য, এখন বুঝছি তুমি তার অবোগ্য।

জ্যোৎস্না। এটা বুঝছো, বোধ হয় আজ বৃহস্পতিবারের বাবেলা বলে।

Mr. Roy. কল্পেন, I owe you an apology, একদিন তোমার University degree নেই বলে ত'একটা কড়া কথা বলেছিলেম, তুমি আমায় মার্জনা কর।

কল্পেন। ( জোড়হাতে ) আপনি কি বলছেন, আপনি আমার পিতা।

[ Mr. Roy কল্পেনের পিঠ চাপড়াইলেন ]

মাণিক। রায় সাহেব, আপনারা University-র চাপরাশ  
দেখে বিচার করেন, আমারা কিন্ত হাঁ করলেই মাছুষ  
চিনি ; ক্লিপেনবাবু আপাদমস্তক জেন্টেলম্যান, ভাই-  
বিটকে ওঁর হাতে সমর্পণ করে দিন। ধর্ম, অর্থ,  
কাম, মোক্ষ—চতুর্বর্গ হবে।

Mr. Roy. মাণিকবাবু, সংসারে আপনার খুব অভিজ্ঞতা  
ক্লিপেন, জ্যোৎস্না তোমারই :

[ Roy চলিয়া গেলেন ; জ্যোৎস্না ও ক্লিপেন মাথা হেঁট করিল ]

মাণিক। হোড়দিদিমণি একবার মাথা তুলুন। তুহাত তুলে  
এই কলির বামুন আশীর্বাদ করচে যেন আমার আক্ষণীয়  
মত সত্তী সাবিত্রী হয়ে ক্লিপেনবাবুকে ভোগদখল করে  
জীবন কাটান ; আর বড়দিদিমণি—অধীনের ছটা কথা  
রাখবেন—

- ১। একপ বস্তু করা ছেড়ে দিন।
- ২। চট করে বিবাহ করুন, এই রকম মনের মত।

ষষ্ঠিকা পত্র।

## ପ୍ରହକାର ଏଣ୍ଟିତ ଅପର ପୁନ୍ତକ'।

### “ଯୋଗଜ ପତ୍ର—

‘ପକ୍ଷାଙ୍କ ନାଟକ, ଐତିହାସିକ ।	ମୂଲ୍ୟ ୧।
‘ବହୁ ଅବୈତନିକ ନାଟ୍ୟ ସମ୍ପଦାୟ କର୍ତ୍ତ୍ଵକ ଅଭିନୀତ ।	
‘କର୍ମଚାରୀ କାଳୀ ( ପ୍ରହମନ ପଣ-ପ୍ରଥାର ବିକଳେ )	୧୦
‘ବହୁ ଅବୈତନିକ ନାଟ୍ୟ ସମ୍ପଦାୟ କର୍ତ୍ତ୍ଵକ ଅଭିନୀତ ।	
‘ଭାଦ୍ରଲୋକ ( ନଡେଳ )	( ସନ୍ତୁଷ୍ଟ )
‘ଆର୍କାଶିତ୍ତ ( ପକ୍ଷାଙ୍କ ସାମାଜିକ ନାଟକ )	ତ୍ରୈ
‘ଶୁନ୍ଦରୀଶ୍ରେଷ୍ଠ ପିଲ୍ଲୀ ( ଛୋଟ ଗଲ୍ଲ )	ତ୍ରୈ
‘କଲିମର ଅର୍ଗ ଜର୍ର ( ପ୍ରହମନ )	ତ୍ରୈ





